

# عبدلہ

نومبر ۸۱

۱۱ جمادی الاولیٰ ۱۳۳۱ - ۵ نیشان ۱۳۲۹

درجی سنہ

قائمہ

نوبہرات عبدلہ

قدس شریف سنجائی استیناف محکمہ سی مدعی عومیلی سعید زین الدین افدینک مأموریتندہ بقاسی  
مصلحتہ غیر جائز کورلایکنہ منی عزلیلہ یرینہ بصرہ ولایتی استیناف محکمہ سی مدعی عومی سابق  
محمد علی افدی تعیین اولمشدر.

اشبو ارادہ سنہ نك اجراسنہ عدلیہ نظارتی مأموردرد.

۱۷ ربیع الآخر سنہ ۳۳۱ و ۱۳ مارت سنہ ۳۲۹

صدر اعظم  
عبدلہ ناظری  
ابرہیم  
محمود شوکت

\*

\*

ماردین سنجائی بدایت محکمہ سی جزا دائرہ سی ریاستہ ترفیعاً تعیین بیورلایفی خالدہ وقت وزمانیلہ  
محل مأموریتہ عزیمت ایتدیکی آکلاشیلان فاضل افدینک مستعفی عدلیہ یرینہ ایچ ایل سنجائی بدایت  
محکمہ سی جزا دائرہ سی ریاستدن مستعفی نافذ و چرکش تضاسی بدایت محکمہ سی رئیس شگری ومدعی



عمومی معاونی نائل و مکلیک قضایی بدایت محکمه‌سی جزا دائره‌سی رئیس علی سعاد و مدعی عمومی معاونی محمد عارف و معموره‌العزیز ولایتی استیناف محکمه‌سی اعضا ملازمی حسین و کلیولی سنجایی بدایت محکمه‌سی اعضا سندن طودورا کی افندیلرک بعض اسباب قانونیه دن طولای عزللریله مذکور چرکش قضایی بدایت محکمه‌سی ریاسته آتیه ولایتی سرمستطق سابقی مکتب حقوق عثمانیدن علی الاعلی درجه ده مأذون سلیم نافذ و مدعی عمومی معاونلکنه بتزیج قضایی بدایت محکمه‌سی مدعی عمومی معاونی حسن فهمی و مکلیک قضایی بدایت محکمه‌سی جزا دائره‌سی ریاسته جسر ارکنه قضایی بدایت محکمه‌سی رئیس حسن خلیق و مدعی عمومی معاونلکنه ناسلیج قضایی بدایت محکمه‌سی مدعی عمومی معاونی محمد توفیق و معموره‌العزیز ولایتی استیناف محکمه‌سی اعضا ملازمکنه مرفقه قضایی بدایت محکمه‌سی مدعی عمومی معاون سابق احمد حمدی و کلیولی سنجایی بدایت محکمه‌سی اعضا لکنه مکتب حقوق عثمانی علی الاعلی درجه مأذونلرندن آرام صادق و سوریه ولایتی بدایت محکمه‌سی اعضا لکنه تعیین بیوریلان توفیق عدسی افندیلرک وقوع استعفا سی جهتیله یرینه مکتب حقوق عثمانی علی درجه مأذونلرندن نجیب الحکیم افندیلر نقل و تعیین اولمش و صیدا قضایی بدایت محکمه‌سی مدعی عمومی معاونی سعید افندی ایله هما سنجایی بدایت محکمه‌سی اعضا سندن حسن حسنی ابن احمد حق بکک بجایش مأموریتلری اجرا قلنمشدر.

اشبو اراده سینه‌نک اجراسنه عدلیه نظارتی مأموردردر .

۱۷ ربیع‌الآخر سنه ۳۳۱ و ۱۳ مارت سنه ۳۲۹

محمد رشاد

عدلیه ناظری  
صدر اعظم  
ابراهیم محمود شوکت

\*

\*

حص قضایی بدایت محکمه‌سی رئیس حیدر و مدعی عمومی معاونی ناجی افندیلرک اسباب قانونیه دن طولای عزللریله مذکور ریاسته خلیل الرحمن قضایی بدایت محکمه‌سی رئیس محمد علی و مدعی عمومی معاونلکنه سویده قضایی بدایت محکمه‌سی مدعی عمومی معاونی حسن اسطوانی و خلیل الرحمن قضایی بدایت محکمه‌سی ریاسته نجف قضایی بدایت محکمه‌سی رئیس اسبق امین و سویده قضایی بدایت محکمه‌سی مدعی عمومی معاونلکنه مکتب حقوقدن علی الاعلی درجه ده مأذون خیرالدین افندیلر نقل و تعیین اولنمشدر.

اشبو اراده سینه‌نک اجراسنه عدلیه نظارتی مأموردردر .

۱۸ ربیع‌الآخر سنه ۳۳۱ و ۱۴ مارت سنه ۳۲۹

محمد رشاد

عدلیه ناظری  
صدر اعظم  
ابراهیم محمود شوکت

\*

بتلیس ولایتی استیناف محکمه‌سی اعضا سندن یوسف صبری و حیمانه قضایی بدایت محکمه‌سی جزا دائره‌سی رئیس و اصف و مدعی عمومی معاونی فائق افندیلرک اجرا قلنن تحقیقات نتیجه‌سنه نظر بقای مأموریتلری غیر جائز کورلدیکندن عزللریله بتلیس ولایتی استیناف محکمه‌سی اعضا لکنه قوصوه ولایتی استیناف محکمه‌سی اعضا سندن دیقرا آل‌تونیان و حیمانه قضایی بدایت محکمه‌سی جزا دائره‌سی ریاسته اسکلیب قضایی بدایت محکمه‌سی رئیس اولوب تحویلی ایجاب ایدن مصطفی واسکلیب قضایی بدایت محکمه‌سی ریاسته دراج سنجایی بدایت محکمه‌سی اعضای سابقه سندن اسماعیل حق و حیمانه قضایی بدایت محکمه‌سی مدعی عمومی معاونلکنه مناستر ولایتی مرکز بدایت محکمه‌سی مدعی عمومی معاون سابق محمد کمال الدین و حوران سنجایی بدایت محکمه‌سی اعضا سندن علی رضا افندیلرک بعض اسبابدن دولای مأموریتده بقای مناسب کوریه مدیکندن عزلیله یرینه مکتب حقوق عثمانی علی الاعلی درجه مأذونلرندن محمد کامل و منجل اولان حکاری سنجایی بدایت محکمه‌سی اعضا لکنه رقه‌لر بدایت محکمه‌سی اعضا سندن اوخانس خاکی افندیلر نقل و تعیین اولنمشدر.

اشبو اراده سینه‌نک اجراسنه عدلیه نظارتی مأموردردر .

۲ ربیع‌الآخر سنه ۳۳۱ و ۲۱ مارت سنه ۳۲۹

محمد رشاد

عدلیه ناظری  
صدر اعظم  
ابراهیم محمود شوکت

## قوانیه و نظامات

مطبوعات قانوننک بعض ماده‌لرینک تعدیلنی حاوی قانون صورتی

مطبوعات قانوننک ایکنجی ماده معدله‌سی : در سعادت یا خود ولایاتده نشر اولنه حق یومی یا موقوف هر غزته و رساله مدیر مسئولنک تبعه عثمانیه دن اولمی و یکر می برایشنی اکیال ایتمی و محجور یا حقوق مدنیه دن ساقط یا خود ساخته کارلق و طولاندیر یجلیق و امنیتی سوء استعمال کبی سوء اخلاق دلالت ایدن افعالدن بریله محکوم اولمامسی و مکاتب عالیه دن مأذون یا خود درسدن مجاز یا مدت تحصیلیه‌سی یدی سنه اولان مکاتب اعدادیه دن شهادتنامه‌ی حائز بولمنی یا خود مکاتب سائرده بو درجه تحصیل کورمنی شرط اولدینی کبی اشبو غزته و رسائلک صاحب امتیازلری دخی غزته و رساله سیاسییه ایچون در سعادتده بشیوز و ولایاتده یوز



وسایسی مطبوعات موقوتہ ایچون درسعادتہ ایک یوز و ولایتہ الی لیرا تأمینات اچہسی اعطا ایتکہ مجبوردرلر . آنجق اشبو شرائطدن الیوم نشرایدلکده اولان غزتهلر ایله سیاسی مطبوعات موقوتہ مستنددر (شوقدرکه اولجه حکومتہ بیاننامہ ویرلدیکی حالده انتشار ایتہمش و یاخود بالآخرہ تعطیل نشریات ایتمش و یا حکومتجہ تعطیل ایدلمش اولان غزتهلر ایله سیاسی مطبوعات موقوتہ مدیر مسئولرینک غزته ورسالہلرینی تکرار نشر ایدہبیلملری ایچون بالاده بیان اولنان شرائطی تماماً ایفا ایتلری لازمدر )

اوچنجی مادهیه ذیل : اعیان و مبعوثان و مأمورین دولت سیاسی غزته مدیر مسئولی اوله منبر غزته نیک صاحبی اوصاف قانونیه یی حائز ایسه مدیر مسئول وظیفه سنی ده درعهده ایدہ بیلور .

بشنجی ماده نیک فقره اخیرہ سنک تعدیلی : نشر اولنان هر غزته و یا رسالہ یومیہ و موقوتہ صاحبک ملکیدر آخرہ تملیکی جائزدر . صاحبک وفاتندہ املاک صرفہ حقندہ جاری اولان احکام فرائض دائرہ سندہ ورثہ سنہ انتقال ایدر . ( غزته نیک وفات ایدن صاحبی مدیر مسئول وظیفه سنی ده بالذات درعهده ایتمش ایدیسه ورثہ طرفندن اوصاف قانونیه یی حائز بر مدیر مسئول ارائه ایدیلهرک نشرینه دوام اولنور )

آلتنجی ماده نیک فقره اخیرہ سنک تعدیلی : بر غزته و یا رسالہ موقوتہ نیک عنوانی عیناً و یا التباسه محل ویرہ جک وجهنه تبدیل ایدیلهرک آخر طرفندن استعمال اولنه ماز مع هذا ( تأسس و انتشار ایتمش ایکن دوچار تعطیل اولان بر غزته عنوانی اون بش سنہ کچدکدن صکره و یالکز بیاننامہ ویریلهرک هیچ انتشار ایتہمش بر غزته و رسالہ موقوتہ عنوانی ده بر سنہ مروریلہ آخری طرفندن استعمال اولنه بیلور

اوئنجی مادهیه فقره اولی : ( چارشیلرده ، سواقاقلرده غزته ، کتاب ، رسالہ ، رسم و سائر آثار مطبوعه و مکتوبه بیع و فروخت ایتک ایستیان کیمسلر پولیس اداره سنہ مراجعتله اقامتکاهنی دفتر مخصوصه قید ایتدیرهرک بیانات واقعہسی مقابلندہ بلا اجرت علم و خبر اخذ ایدر ) بونلر صاندقلری اوراقک یالکز عنوانلرینی و محررلرینک اسملرینی و فیاتلرینی یوکسک صوت ایله سویلیه بیلیرلر . آداب عمومیهیه منافی اسم و عنوانلر قوللانق و بر شخصک و یا هیئتک اخلاص ناموسنی و یا کسر اعتبارینی و یا علی الاطلاق هیجانی موجب اوله جق بیانات و اصوات ایله اوراق مذکورہ ایچون رغبت جلب ایتک ممنوعدر . اشبو شرائط قانونیه خلافندہ حرکت ایدنلر یکریمی بش غروشدن بر لیرایه قدر جزای نقدیه و یاخود یکریمی درت ساعتدن بر هفتهیه قدر حبسه محکوم اولورلر .

اون آلتنجی ماده نیک تعدیلی : مملک عثمانیهده طائمش اولان ادیان و مذاهبدن و عناصردن برینی تزییف و تحقیر یولندہ ( و عناصر عثمانیه آرسنده نفاق و خصومت تولید ایدہ جک و خلقی خدمت عسکریه دن تبرید و یاخود قانوناً جرائمندن معدود افعالی مدح و تصویب ایدہ جک صورتده نشریات واقع اولورسه ) اون برنجی ماده موجبجہ مسئول اولان کیمسه بر آیدن بر سنہیه قدر حبسه و یکریمی عثمانی آلتونندن یوز عثمانی

آلتوننه قدر جزای نقدیه محکوم اولور و یاخود بوایکی جزادن یالکز بریلہ دوچار مجازات ایدیلور ادیان و مذاهب حقندہ دلالتہ مستند مباحثات علمیه و فلسفیه تحقیر عد اولنماز . اون طقوزنجی ماده نیک تعدیلی : اصلی اولیان حوادث و یا مصنع و یا مخرف و یا اصلی اولقسنزین بر کیمسهیه اسناد اولنمش اوراق نشر و نقل ایدنلر ( و اوراق رسمیه یی و رسمی نطقلری تغیر و تحریف ایله نشر ایلمانلر ، نشریات و نقلیات واقعہ ) سوء نیتله واقع اولدینی اکلایشیلور و بوده افکار عمومیه یی تهییج و تسویل ایدہ جک ماهیتده بولنورسه بر آیدن آلتی آیه قدر حبس و بش لیرادن یکریمی بش لیرایه قدر جزای نقدی حکم اولنور نشریات واقعہ آسایش عامه یی اخلاص باعث اولنمش ایسه آلتی آیدن ایکی سنہیه قدر حبس و یکریمی بش لیرادن یوز لیرایه قدر جزای نقدیه محکوم اولور و یاخود بوایکی جزادن یالکز بریلہ دوچار مجازات ایدیلور . بوقانونک جرم عد ایتدیکي نشریاتی نقل ایتک مستقل بر جرم اولوب متجاسری عینی جزایه دوچار اولور و نقل اولنان بوقیلل نشریاتک محتویاتی تصدیق اولنمادیغنه و یا احتیاطله نقل ایدلدیکنه و یاخود مسئولیتی آخر بر شخصک تمامیلہ درعهده ایدلدیکنه دائر بر قید علاومہسی مسئولیتدن قور تولغه مدار اوله ماز .

بر غزته نیک محکوم اولدینی جزای نقدی و مصارف محاکمه و ضرر و زیانلری تضمین مقصدیلہ اعانه دفتری آحق و یا بونی اعلان ایتک ممنوعدر خلافندہ حرکت ایدنلر بر هفته دن آلتی آیه قدر حبس و بش لیرادن یکریمی بش لیرایه قدر جزای نقدی ایله محکوم اولورلر . یکریمی برنجی ماده نیک تعدیلی : بر شخص علیهنده غزته لرده و یا رسائل یومیہ و موقوتہده وقوعه بولہ جق نشریات اوشخص طرفندن ( ویوفات ایتمش بر ذاته عائد ایسه اولاد و احفادی جانبندن ) علیهنده کی مقالوله نیک ایکی مثانی تجاوز ایتہ مک شرطیلہ یازیلہ جق جوابی و کذا حکومتک خلاف حقیقت کوردیکی نشریات حقندہ کی تکذیبنامہلری غزته و رسائل مذکورہ ایتک چیقہ جق نسخہ نیک عینی ستوننه ( و عینی حروف ایله ) درجه مجبوردرلر عکس حالده بش آلتونندن الی آلتوننه قدر جزای نقدی اخذ اولنور .

یکریمی اوچنجی مادهیه علاوه : حکومت طرفندن تعطیل و محکمهیه سوق اولنان غزته لهرک صاحب امتیاز و مدیر مسئوللری اولجه اعطا ایتدکلری تأمینات اچہسی ختام محاکمهیه قدر بشقه بر غزته ایچون تأمینات اولهرق استعمال ایدہ منلر .

اوتوز برنجی ماده نیک تعدیلی : جرائم مطبوعاته متعلق دعوالر محاکم عمومیهده ( اصول محاکمات جزائیہ قانوننه مذیل ۱۲ شوال سنہ ۳۳۰ و ۱۱ ایلول سنہ ۳۲۸ تاریخی مواد قانونیهیه توفیقاً ) رؤیت اولنور . ۱۶، ۱۷، ۱۹، ۲۰، ۲۶ نجی ماده لرده موضوع بحث اولان جرائمله خاندان سلطنت ( و دول متحابه حکمداران ) علیهنده واقع اولان ذم و قدحک تعقیبی طوغریدن طوغریه مدعی عمومی طرفندن و دول متحابه نیک نزد سلطنت سنیهده کی مأمورین سیاسیهسی حقندہ ذم و قدح جرملرینک تعقیبی سفارتلرک خارجیه نظارتنه واقع اوله جق مراجعاتی اوزریننه کذلک مدعی عمومی طرفندن و اعیان و مبعوثان هیئتلریله دوائر



حکومت و هیأت رسمیه وارد و دو نهای عثمانی حقنده کی ذم و قدحک تعقیبی رؤسا و قوماندانلری طرفندن جهت عدلیه یازیله جق تذکره اوزرینه ینه مدعی عمومیلر طرفندن اجرا اولنور .  
اشبو قانونده مندرج اولان دیکر ذم و قدحک حقنده کی دعوالرایسه منحصر آمدعی شخصیلر جانبندن اقامه ایدیلیر .  
اشبو مواد قانونیه تاریخ نشرندن اعتباراً مرعیدر .

اشبو مواد قانونیه نك اجراسنه داخلیه و عدلیه نظارتلری مأموردردر .  
اشبو مواد قانونیه لایحه سنك مجلس عمومینك كشاننده قانونیتی تكلیف اولنق اوزره موقه موقع اجرایه وضعی و قوانین دولته علاوه سنی اراده ایدرم  
۱۳ ربیع الآخر سنه ۳۳۱ و ۹ مارت ۳۲۹

محمد رشاد  
عدلیه ناظری داخلیه ناظری صدراعظم  
ابراهیم عادل محمود شوکت

جزا قانونك بوز قرق در دخی ماده سی مقامه قائم اولن اوزره قلمه آلمان ماده معدك قانونیه صورتیدر :  
هر کیم ممالك عثمانیه ده تداول ایتمکده بولسان آلتون و کوش مسکوکات عثمانیه دن ماعدا مسکوکات عثمانیه یی تقلیداً سکه قطع ایدر و یا خود بولری ممالك عثمانیه یه ادخال ایله و یا بومثللو قلب مسکوکات سوریحیکلیکه مشغول اولورسه موقتاً کورکه قونیلور .

اشبو ماده قانونیه نك حکمی تاریخ نشرندن اعتباراً مرعی اوله جقدر .  
اشبو ماده قانونیه نك اجراسنه عدلیه نظارتی مأموردردر .  
اشبو لایحه قانونیه نك مجلس عمومینك كشاننده قانونیتی تصدیق ایتدیرمك اوزره موقه موقع مرعیتیه وضعی و قوانین دولته علاوه سنی اراده ایتدم  
۲۷ ربیع الآخر سنه ۳۳۱ و ۲۳ مارت سنه ۳۲۸

محمد رشاد  
عدلیه ناظری صدراعظم  
ابراهیم محمود شوکت

## تبلغات محرمه

عدلیه نظارت جلیله سنبره نظیر اولنامه ۱۷ مارت سنه ۳۲۹ تاریخ فی تحریرات عمومیه صورتیدر :

« محبوسیندن ممکن و مناسب اولانلرک بلدییه عائد عملیات و انشا آتده استخدام ایدلرینه دائر »

در سعادت حبسخانه سی احوال عمومیه سنك تحت انتظامه آلمنی اسبابنه توسل ایدلیکی کبی محبوسیندن

ممکن و مناسب اولانلرک بلدییه عائد انشا آت و عملیاتده قولانلری ایچون استانبول ولایتی و شهر امانتی ایله مخبره اجراسنه مباشرت اولدینی و طشره حبسخانه لرنده کی محبوسینك ده دوائر بلدییه عائد عملیاتده و حکومت و نافعیه متعلق انشا آتده استخدام ایدلری ایچون یکیدن قلمه آلتق اوزره بولسان حبسخانه لر نظامنامه سنه احکام لازمه درجی مقرر ایسه بونظامنامه نك موقع تطبیقه وضعی و قته محتاج و بواصولك شمیدین ولایتده دخی موقع تطبیقه وضعی محبوسینك احوال صحیه و روحیه و تهذیب اخلاقلری نقطه نظرندن موجب محسنات اوله جغندن کیفیتك مأمورین عدلییه تبلیغی اشعار سامیه عطفاً داخلیه نظارت جلیله سنندن باند کره اشعار بیورلش و مذکور حبسخانه لر نظامنامه سنه بوبابده احکام لازمه درجی زمانسه قدر محبوسیندن استخداملرنده جهت ملکیه و ضابطه جه قطعاً برکونه محذور متصور اولیانلرک تحت محافظه ده اوله رق حکومت و بلدییه عائد انشا آت و عملیاتده استخداملری مناسب کورلش و انشا آت و عملیاتده استخدام اوله جق بوقیل محبوسینك فرارلری وقوعنده بوبابده مسئولیت قانونیه محافظه لرینه مأمور اولانلرجه درپیش ایدیلرک بوکا قطعاً میدان ویرلامسی لازم کله جکندن تعمیماً وقوع بوله جق تبلیغات صره سننده بوجهتک دخی علاوه ازباری خصوصی داخلیه نظارت جلیله سنه جواباً بیلدیریلرک کیفیت هر طرفه تعمیماً تبلیغ و اشبو تحریراتك نسخ مطبوعه کافیه سی لفاً تسیر قلمش اولمغه لدی الحاجه اولوجهله ایقای مقتضای سیاقنده . . . .

عدلیه نظارت جلیله سنبره نظیر اولنامه ۲۱ مارت سنه ۳۲۹ تاریخ فی تحریرات عمومیه صورتیدر :

« مأمورین مکفله نك اجرا قلمه جق یوقلمه لرینه و کفالت یوقلمه سنی ایفا ایتیانلر حقنده »

مأمورین مالیه نك امر کفالتلری حقنده ۲۳ کانون ثانی ۳۲۵ تاریخنده تعمیماً تبلیغ ایدلش اولان ایضاحنامه نك بشنچی ماده سننده هر آلتی آیده بر کره کفالتك اقتدار مالیلری و مکفول به اولان املاک و تحویلاتك قیمت حاضره لرینك معاینه سی ضمنده نمونه و جهله مأمورین مکفله طرفندن ورقه لر تنظیم و مجالس اداره و تجارت اوطه سی و مقاولات محررلکندن شرح و تصدیق ایتدیریلرک مقامات عائد سینه ارسال و اعطا اوله جنی و بر بحق آی طرفنده ورقه مزبوریه یی ارسال و اعطا ایتیانلره کفیلاری استعفا ایتش نظریله باقیله جنی محرر اولوب کفلا یوقلمه لریده مارت و ایلول طرفنده ایضا قلممقده بولنش اولدیغندن بروجه مشروح یوقلمه معاملاتك ایفا و اکمالیه ورقه مخصوصه لرینك دردنجی ماده ده محرر اولدینی اوزره خزینه جلیله یه و دوائر و ولایات متعلقه سنه سوق و ارسال مقتضی بولدینی و کیفیت اخیراً ۸ ایلول ۳۲۸ تاریخنده ده تبلیغ اولدینی حالده بعضیلری طرفندن بواصوله رعایت اولنماسندن ناشی کفالت سندلری هنوز خزینه یه کوندرلامش و کفالت نظامنامه سنك اون برنجی ماده سننده کفالتک مکلف بر مأمورک کفیلر استخدامندن طولانی مافوقنده کی مأمورک مسئولیتی محرر بولنش اولدیغندن مذکور ایضاحنامه نك دردنجی و بشنچی ماده لر ایله فقره مخصوصه اخیره سی موجبجه ولایت داخلنده کفالت اعطا ایلمش و یوقلمه



معامله سنی ایفا ایتمه مش بولنا نلرک قطعاً مستعفی عدلیه معاشرلرک ویرله سنی خصوصی بالعموم مأمورین مالیه بو کره تبلیغ ایدلمش اولغله اورا جهده اولو جهله معامله ایفاسی

مأمورین مکفله نلک اجرا قلنه حق یوقلمه لرینه و کفالت یوقلمه سنی ایفا ایتمانلر حقلر نده اولنه حق معامله یه دائر مالیه نظارت جلیله سندن مأمورین مالیه یه تعمیماً یازیلان تحریرات عمومیه نلک صورتی بالاییه درج ایدلمش و اشبو تحریراتک نسخ مطبوعه کافیه سنی ملحقاته برای توزیع لفاً کوندرلش اولغله مندرجاتنه نظرآ مأمورین عدلیه جهده مقتضیاتک ایفاسی توصیه اولنور .

عدلیه نظارت جلیله سندن نطیر اولنانه ۲۱ مارت سنه ۳۲۹ تاریخلی تحریرات عمومی صورته ییر :

« انتخاب اهالی ایله تعیین اولنان محاکم اعضاسی حقنده »

انتخاب اهالی ایله تعیین اولنان محاکم اعضاسنک قانوناً حق تقاعدن مستفید اولدقلری جهته بولنرک تحدید سنه تابع طوتلری ایجاب ایتیه چکی سبق ایدن استیذانه جواباً بابیورلدی سامی تبلیغ بیوریلان شورای دولت تنظیمات دائره سنک ۵ مارت ۳۲۹ تاریخلی مضبطه سنده افاده قلنمش اولغله تعمیماً تبلیغ کیفیت اولنور .

## محکمہ تعمیراتی

محکمہ تعمیراتی

محکمہ تعمیراتی دایره سندن صادر اولانه ۲۸ شباط سنه ۳۲۸ تاریخلی ۱۲۳۴ نومرولی اعلام صورته ییر :

« مدعا به ثمن مثلمیدر، ثمن مسامیدر بوجهتک مدعی به تعیین ایتدیرلسی لزومه دائر »

اورفه قصبه سنک یوسف پاشا محله سندن مقیم حاجی علی زاده علی افندی ایله کمرک خاننده مقیم تجاردن توما اخوان شرکاسندن رستم افندی بن داود بیننده متکون دعوایه دائر اورفه بدایت محکمه سندن ۱۸ کانون اول سنه ۳۲۷ تاریخلی ویوز آلتش یدی عددیله ویریلوب مومی ایله علی افندی طرفندن تمیزاً تدقیق استدعا قلنان اعلام یالکر مستدعینک اعتراض لایحه سیله بالمطالعہ تدقیقات تمیزیه اجراسنه ابتدار قلندی . اعلام مذکور مألنه کوره : مومی ایله رستم افندی وکیلی حسن افندینک محکمه مذکوریه باعرفحال مراجعتله : مؤکلی مومی الیهک مرقوم علی افندی امریله اشخاص معلومیه اعطا ایتمش اولدینی غاز یاغی اتمانندن من حیث المجموع اوچ بیک درت یوز بر غروش مومی ایله علی افندی ذمتنده آله جنی اولدیغندن

بخله مبلغ مزبورک مع فائض بالوکاله تحصیلی حقنده اقامه ایلدیکی دعوانک مدعی علیک عدم اجابتنه بناء وکیل مسخر حضوریه اجرا قلنان محاکمه و تدقیقات نتیجه سنده مبالغ مدعا بهادن بیک الی بر غروشک معامله تطبیقیه سی بالاجرا زیرنده موضوع امضانک مدعی علیک اولدینی اهل خبره طرفندن معطی راپور مفادیه ثابت اولان مبرز تذکره مندرجاتیه تحقق ایتسنه و دیگر بیک اوچ یوز الی غروشی دخی مدعی اثباتدن اظهار عجزله اعتراض وقوعنده یمندن نکوله تعلیقاً تحت حکمه آلتسنی طلب ایتسنه بناء مذکور بیک الی بر غروشک بخله نلک بیک آلتیوز اونجی ماده سنه توفیقاً فی الحال و بیک اوچ یوز الی غروشک دخی عندالاعتراض یمندن نکوله تعلیقاً مدعی علیک بالتحصیل مدعی به اعطاسنه دائر صادر اولان اعلام غیابینک جریان ایدن محاکمه و تدقیقاتی نتیجه سنده : محکمه جه بالذات موکلک یعنی معترضک محکمه ده حاضر بولنسی تحت قراره آلتدینی حالده کلامسنه مبنی اشبو عدم ورود کیفیت یمندن نکول عد اولنورق اولبابده کی اعتراض علی الحکم عرفحالک ردینه واعلام غیابیده مبلغ مدعا بهک حین تحصیلنه دکین فائض نظامیسیله برابر دیه یازیله حق ایکن سهواً حکم تاریخنه قدر گذشته حساب ایدلمش اولدیغندن معترض علیک طلبی و جهله اشبو جهتک بروجه مشروح تصحیحاً و تعدیلاً تصدیقنه حکم و قرار ویرلدیکی اکلا شامشدر .

مستدعی طرفندن ویریلان لایحه تمیزیه ده مدعی به مدعا بهک ثمن مثلمیدر و یا خود ثمن مسامیدر توضیح ایتدیریلرک بو جهتک تدقیق و تعمیق ایدلمسی یولسز و مغایر قانون اولدیغندن واسباب سائر دن بخله اعلامک نقضی طلب واستدعا اولنمشدر .

ایجابی مذاکره اولندقدہ خصوصی مدعا هر تقدیر بروجه محرر حکم و قراره ربط اولنش ایسه ده معترضک اعتراض علی الحکم استدعاسی اوزرینه کشاد ایدلمش اولان محاکمه ده یالکر معترضک دفعنه عائد اولان مدعیات تدقیق ایدلمک لازم کلیرکن محکمه جه معترض علیک و جاهدده ویریلوبده علینه چقان فائض مسئله سی اعتراض علی الحکم عرفحالی اوزرینه تدقیق و معترض علیک بوبابده کی مدعیاتی قبول ایدیلرک قسماً علینه صادر اولان بو جهتک معترض علیک الهنه قرار اتخاذ اولنسی خلاف قانون اولدینی کبی دعوی ایدیلان ثمن ، ثمن مسامیدر یوقسه ثمن مثل یعنی قیمت میدر محکمه جه بوجهتک مدعی مرقومه تعیین ایتدیرلدکن صکره ثمن مسمی ایسه اثبات و یا یمین ایله حل ایدلمک مقتضی اولدینی کبی حین بیعده ثمن تسمیه ایدلمش اولدینی تقدیرده بیع مذکور فاسد اوله جغه نظرآ بخله نلک اوچ یوز یتمش برنجی ماده سی حکمنه توفیقاً معامله ایفا ایدلمک و یمینه معلقاً عن الغیاب حکم ایدیلان مقداره کلنجه اعتراض علی الحکم اوزرینه جریان ایدن محاکمه ده محکمه جه اصول محاکمه نلک الی برنجی ماده سی حکمنه توفیقاً بالذات موکلک محکمه ده حضوری تحت قراره آلتمش و کیفیت دخی موکل مرقومه تبلیغ ایدلمش اولدیغنه کوره مرقومک محکمه نلک دعوتنه عدم اجابتی حالده وکیلی کلش اولسه بیله دیگر طرفک طلبیه موکل کلامش اولمسندن طولای اعتراض علی الحکم عرفحالک ردیه اکتفا اولنق لازم کلیرکن محکمه جه بوجهات مهمه نظر دفته آلتفسزین بروجه مشروح



قرار ویرلمسی یولسز و مغایر قانون اولدیغنه بنسأ اصول محاکمه حقوقیه قانوننک ایکیوز اوتوز ایکنجی و ایکیوز قرق برنجی مادهلری موجبجه اعلام مذکورنک تقضیه قانون مزبورنک ایکیوز قرق دردنچی مادهسی حکمنه توفیقاً کیفیتنک صور محرره دأرئه سندده بالرؤیه اعلامه ربطی ضمننده محکمه مذکورده اعاده سنه ۱۲ حزیران سنه ۳۲۸ تاریخنده اتفاقله قرار ویرلدی .

**محکمہ تمیز حقوق دأرئه سندده صادر اولانه ۲۸ شباط سنه ۳۲۸ تاریخ و ۲۶۰۴ نومرولی اعلام صورتیدر :**  
« اعشاری التزام اولنان ترلارده حریق ظهوری و نتیجه حقوقیه سی »

حزینئه مالیه ایله علائیه قضاسنه تابع منوغات ناحیه سنک ذیوه قریه سندده مقیم عبده اوغلی عثمان کهیا بیلرلنده متحدث دعوایه دأر قضای مذکور بدایت حقوق محکمه سنددن ۲۶ ایلول ۳۲۶ تاریخ و طقوز عدلیه ویریلوب حزینئه مذکور طرفندن تمیزاً تدقیقی استدعا قلنان اعلام باش مدعی عمومیلک مأموریت علیه سنک مطالعه نامه سی آلتدقدن صکره یالکیز مستدعینک اولباده کی لایحه اعتراضیه سیله بالمطالعہ تدقیقات تمیزیه اجراسنه ابتدار قلندی

اعلام مذکور مندرجاتنه کوره مزبور عثمان کهیانک محکمه مذکورده باعرضحال مراجعتله جوابات اعشارینی درت بیک ایکی یوز غروش بدل ایله التزام ایله یکی قصبلر قریه سی ترلاری حریق ظهوریه محترق اولمش و خرمانلرندن انحق ایکی یوز غروش قیمتند بولونان درت بچق کیله شعر ایله یدی بچق کیله خطه استیفا ایدیله بیلمش اولدیغندن بخله بدل اعشاردن حزینئه حصه سی اولان اوچینک الی یوز الی ایکی غروش یدی پاره ایکی یوز غروشدن عبارت اولان مسبوق الذکر مقدار مستحصله تنزیلی طلب و دعوی و مدعی علیه حزینئه وکیلی ده کیفیت احتراقی انکار ایله برابر حریق وقوع بولسه بیله اسباب مجبره دن معدود اولامایه جنی جهتله دعوانک ردینی افاده وادما ایللری اوزرینه مدعی عمومی حضوریه اجرا قلنان محاکمه و تدقیقات نتیجه سندده مدعینک دعواسی استماع قلنان شهودنک شهادتیه ثابت اولدیغندن بر موجب طلب حزینئه حصه سنک ایکی یوز غروشه تنزیله قرار ویرلدیکی کلاشلمشدر .

مستدعی تمیز حزینئه وکیلی قضای مذکور مال مدیری طرفندن ویریلان لایحه اعتراضیه ده زمان حریقندن سکنز ماه صکره اقامه دعوی ایدلمسی و ترکیه معامله سنک موافق اصول اولماسنه و محل مذکورده نهر بولمسنه مبنی حریق سرایتنه میدان ویرمه مکمل اولدیغنی حالده بوجهتک دخی تدقیق قلماسی مغایر قانون اولدیغندن بحث ایله اعلامنک تقضی طلب و استدعا اولمش و مطالعه نامه مفادی ده حکمنک موافق قانون اولدیغنی بیانندن عبارت بولمشدر .

ایجاب کیفیت لدی المذاکره خصوص مدعا هر نقدر بوجه محرر حکم و قراره ربط اولمش ایسه ده اعلام مذکورنک مآلندن آکلاشلدیغنی اوزره نتیجه محاکمه اوزرینه مدعی عمومینک مطالعه نامه سنک آلتامسی و شاهدلر بعض محصولاتدن ذراع ذمتند قالدیغنی سولشدر و ذراع بوللری خرمن یرلرندن قالدیروب خانه لرینه نقل ایتدکلرندن صکره می یوقسه هنوز خرمن یرنده می یامش اولدیغنی آکلاشیله مامش و ذراع خانه لرینه نقل ایتدکلرندن صکره ایسه بونک عشری آلتامسی لازم کلیه جکنه دأر بر سبب قانوننک بیانی لازم کلور ایکن بوجهت کوسترلمکسزین بوجه مشروح قرار ویرلمسی مخالف قانون اولدیغندن اصول محاکمه حقوقیه قانوننک ایکی یوز قرق برنجی مادهسی حکمنجه اعلامنک تقضیه قانون مزبورنک ایکی یوز قرق دردنچی مادهسی موجبجه تکرار بالرؤیه قراره ربطی ضمننده محکمه مذکورده اعاده سنه ۴ تشرین ثانی ۳۲۸ تاریخنده متفقاً قرار ویرلدی

**محکمہ تمیز حقوق دأرئه سندده صادر اولانه ۵ مارت سنه ۳۲۹ تاریخ و ۲۸۶ نومرولی اعلام صورتیدر :**  
« فعل عقدنک وکالت ویا رسالت صورتلرندن هانکیسی ایله اولدیغنک تحقیق لزومه دأر »

مملکت قضاسنه تابع قومله صغیر قریه سندده مقیم چودار اوغلی حسین رئیس ایله کلکیده اسکله جاده سندده نومروسز یازیخانه سندده ساکن تجارندن علی بک زاده نوری پاشا بیننده متکون دعوایه دأر قضای مذکور بدایت محکمه سنددن تجارت صفیه ویریلوب مرقوم حسین رئیس طرفندن تمیزاً تدقیقی استدعا قلنان ۲۲ کانون اول ۳۲۷ تاریخ و ایکیوز نومرولی اعلام باش مدعی عمومیلک مأموریت علیه سنک مطالعه نامه سی و یالکیز مستدعینک اعتراض لایحه سیله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه کوره مومی الیه نوری پاشانک وکیلی محکمه مذکورده باعرضحال مراجعتله موکلنک یالی بوی مدیراموری قره بشه اوغلی محمد اغا معرفتیه مدعی علیه مرقوم حسین رئیس اخذ و تسلیمینی درعهده ایدوب سندده ربط اولنان یاغ و ذخیره نمندن مرقوم ذمتند اله جنی اولان بشبیک اوتوز ایکی غروشه فرقدن حاصل اولان فائض بیک التیوز التمش بش غروشک تحصیلنی طلب و دعوی و مذکور سندی ابراز واعطا ایتسنه قارشو مدعی علیه وکیلی موکلنک مدعیده سندی اولدیغنی کی دینی دخی بولمیدیغنی و آنحق موکل مدعینک ادعی محمد اغادن بشقه جه یاغ المش ایسه ده پاره سنی تمامیه ویردیکنی و هم ده بوکره دعوی ایدیلن یاغی مدعینک آدمندن آلدیغنی افاده ایللریله جریان ایدن محاکمه و تدقیقات نتیجه سندده مدعینک مدعی علیه بهر قیه سی درت بچق غروشدن سکنز یوز اوتوز ایکی قیه ایکیوز درهم و بهر قیه سی درت غروش اون پاره دن ایکبیک یوز تیش درت قیه اوچوز درهم زیتون یاغی مدعی علیه تسلیم ایلدیکی شهود مستمعه منکانک شهادتیه



ثابت اولمسنه مبنی بوندن مدعینک تسلیات اوله رق قبول ایلدیکی سکنز بیک اوچیوز یکریمی بش غروشک بالتزیل متباقی قیمتی اولوب مدعی علیک ذمتنده قالدیغی اکلایشین درتبیك التیوز التمش درت غروشک مع قاض مدعی علیهدن بالتحصیل مدعی یه اعطاسنه قرار ویرلیدیکی آکلالمشدر .

مستدعی تمیز طرفندن ویریلن لایحه ده مذکور سندک کندیسنک اولدیغنه و بویولده اچقه دخی استقراض ایتدیکنه دائر اولان دفعنک محکمه جه نظر دفته آلمدیغی کبی دعوی واقعه محکمه نک وظیفه سندن خارج وبشیک غروشی متجاوز اوله رق اقامه ایلدیکی جهتله شهود ایله اثباتی غیر جائز و اولجه قرض اوله رق اقامه ایلدکدن صکره بالاخره یاغ اولدیغی افاده ایللری یکدیگرینه مناقض اولدیغی حالده محکمه مذکور جه بونلرک ده پیش تأمله التامسی یولسز و مغایر قانون اولدیغندن بختله اعلامک نقضی استدعا و سالف الذکر مطالعه نامه ده دخی وظیفه اعتراضک وارد کوریله مدیکی بیان و انبا قلمشدر .

اول امرده وظیفه اعتراضک ردینه قرار ویرلدکدن صکره اساس ماده نک ایجابی مذاکره اولندقدده مدعی مدیر اموری واسطه سیله مدعی علییه مقدار معلوم یاغ بیع و فروخت ایدره ک ثمنی طلب ودعوی ومدعی علییه ایه اولمقدار یاغی مدعینک ادعی محمد اغدن آلوب بدلنه سند ویردرک بالاخره ده تأدییه وایفا ایلدیکنی ادعا ایتکده اولملرینه نظراً عقد مذکور مرقوم محمد طرفندن وکالت ویا رسالت صورتلرندن هانکیسی ایله اجرا ایلدیکی تحقیق اولتمق و مرقوم محمد بالوکاله اجرای عقد ایتش ایه او حالده خصومت آنجق عاقده عائد اوله جنی جهتله مدعینک حق خصومتی اولدیغندن دعواسی رد ایدلک ایجاب ایدر ایکن محکمه جه بوجهندن ذهول اولمسی یولسز اولدیغی کبی مدعی علیک دفع مذکور دخی نظر اعتباره الهه رق اولمقدار یاغ حقنده کی محاکمه لریک در دست اجرا اولدیغی بیان ایلدیکی جهتله محکمه جه بونلر میاننده دعوی سبق ایدوب ایتدیکی بالتحقیق اشبو دعویاه تعلقی اولوب اولمدیغی و تعلقی اولوبده توحید دعوی ایتک قابل اولدیغی تقدیرده بو جهتک طرفینه تفهیمیه طرفین بیننده کی نزاعک حل و فصل ایدلسی مقتضی بولندیغی حالده محکمه جه بونک دخی نظر دفته آلمقسزین بوجه مشروح حکم اعطا اولمسی یولسز و مغایر قانون اولدیغندن اصول محاکمه حقوقیه قانوننک ایکیوز اوتوز ایکنجی وایکیوز قرق برنجی ماده لری موجبنجه اعلام مذکورک تقضیه ایکیوز قرق در دنجی ماده سی حکمنه توفیقاً کیفیتک بالرؤیه اعلامه ربطی ضمننده محکمه مذکوریه اعاده سنه وزیرده مفر داتی مرقم مصارف تمیزیته نک ایلروده حقسز چیه حق طرفه عائد اولمسنه ۱۰ نisan ۳۲۸ تاریخنده متفقاً قرار ویرلیدی .

در سعادت منایت محکمه سنده صادر اولده ۱۱ ثانیه اول سنه ۳۲۸ تاریخنی ۱۵۸ نومردی اعلام صورتیبره :  
قلمز نوم — « مغشوشه و نیکل مسکوکاتی تقلید »

قلب اچقه سوردیکی ادعاسیله مظنون علیه اولان وقره کمر کرده سلطان محله سنده چشمه زقاقنده واقع تیزه سی امینه خانمک خانه سنده بیتوتله قیشین مذکور خانه التده کی دکانده تنکه جیلک و یازین دخی کوفه جیلک ایتدیکنی وبعضاده شکر صاتیغنی سولیان یکریمی ایکی یاشنده ملاطیه قصبه سی اهالیسندن ابراهیم بن عثمانک جنایتله اتهامه دائر در سعادت هیئت اتهامیه سندن تنظیم واعطا قلنان ۳۰ تشرین اول ۳۲۸ تاریخنی ویدی یوز یتش آتی نومرولو مضبطه واوراق متفرعه سی استیناف مدعی عمومیلکنک ۴ تشرین ثانی ۳۲۸ تاریخ ویدی یوز یکریمی عدلی اتهامیه سیله لاجل الحاکمه ۱۱ تشرین ۳۲۸ تاریخنده در سعادت جنایت محکمه سنه تودیع قلمقله بالمطالعه تفصیلاتی ضبط نامه ده محرر اولدیغی اوزره اصول محاکمات جزائییه قانوننک باب نانیسنک فصل رابعنده مندرج معاملات ابتدائییه وجاهیه بعدالایفا ادعای مفسوخیتک مهل معین قانونیه سنک منقضیه اولمسنه مبنی اجرای محاکمه ایچون تعیین اولنان اوچیوز یکریمی سکنز سنه سی کانون اولنک اون برنجی صالی کونی متهم ابراهیم علی الاصول توقیف خانه دن کتوردیلدرک ومدافعه وکیلی اسماعیل عیسی واستیناف مدعی عمومیلکی معاونلرندن حامد بکمر موقع مخصوصلرنده حاضر اولدقلری حالده محاکمه صالونه حقیقه رق اجرای محاکمه علیه مباشرت وجانب ریاستدن متهم مرقومک هویتی لدی التدقیق بالاده محرر اولدیغی وجهله تعین ایتدکدن و متهم ایله وکیلنه اخطارات لازمه قانونیه اجرا قلندقدن صکره هیئت اتهامیه مضبطه سیله اتهامیه ضبط کاتبی شفیق اقدی طرفندن قرائت اولندی .

مذکور مضبطه ده قلب اچقه سورمکه مظنون علیه اولان ابراهیم بن عثمانک فعل مذکور مجاسرت ایلدیکنه دائر اوراق تحقیقه ده محرر دلائل و امارات اتهامیه کافی کورلمش وحرکتی قانون جزانک یوز قرق در دنجی ماده سی حکمنی مستلزم افعال جنائییه دن بولنش اولدیغندن بالبحث مرقومک در سعادت جنایت محکمه سنده محاکمه سی اجرا قلمق اوزره اولوجهله جنایتله اتهامیه قرار ویرلیدیکی محرر و اتهامیه ده دخی مرقومک مضبطه مذکورده مندرجاتی وجهله جنایت مذکورده نک فاعلی اولقله اتهام ایلدیکی مسطر در .

اتهامیه نک خلاصه سی جانب ریاستدن متهم ابراهیمه تفهیم وتوضیح ومعاون مومی ایله طرفندن دخی دعوی تشریح اولندقدن صکره متهم مرقوم سولندیرلدرک افاده شفاهییه سی مقامه قائم اولمق اوزره برورقه اعطا وافاده سی بوندن عبارت اولدیغی انبا ایتمکه وبرکرده کیفیت شفاهاً آکلامسی اخطار اولندقدده مذکور ورقه نک اوقونسی خصوصنده اصرار ایلکله مذکور ورقه اوقوتدیرلدرکده کندوسی ملاطیه لی اولوب در سعادتیه برای تجارت کلهرک قره کمر کرده کائن تیزه سنک خانه سنده اقامت ایتدیکنی وشکر ولیمون وپورنقال صاتمق وقیشین دخی کوفه ایله سیار سبزده واتحیلق ایتمکه اشتغال ایلدیکنی وکندوسی قلب اچقه



سورجیلکی ایله اتهام اولنش ایسه فعل مذکور دن هیچ برکونه معلوماتی اولمادیکی کبی بویله بر دنائی دخی قبول ایتیه جکئی و سابقه سی ده بولمادیکی و بش ماهدنبری بی کناه اوله رق موقوف بولندیغدن صوگ درجه بریشان بر حاله کلدیکی و بوندن آلتی ماه مقدم مملکتی اولان ملاطیه دن کلان احمد اغا نامنده بر احبابندن . اسکدارده اسکله باشنده عرب حاجی افندیگن قهوه خانه سنده کورشمک اوزره دعوتی متضمن بر قارت پوستال ، آلمسی اوزرینه اسکداره کیدرک احمد اغانی اقشام ساعت یارمه قدر مذکور قهوه خانه ده بکله دیکئی حالده بوله مادیکی جهته واپور دخی بولمادیغندن مرقوم احمد اغانی صاحبین بولورم فکر یله کیجه یی اوراده کچیردیکئی و او کیجه مسافر قالمق ایچون مراجعت ایتدیکئی بر خانجینک نفوس کاغدی اولمادیکی بیانیله قبول ایتامسی اوزرینه کیجه یی محل مذکورده کائن یکی جامع شریف حولیسندن کچیرمکه مجبور اولدیغی و جامع حولیسندن کی شادروان مصلقلرنده الیرینی بیقامقده ایکن بر کیسه دروننده بر مقدار پاره بولمغه درحال آلوب جا کتنک جینه قویدیغی و مذکور جینک آستاری دلیک ایدو کندن سکر غروشک جینک ایچروسنده قالمش اولوب متباقیسنک انده ایدو کئی و او کیجه اوراده یاتمقده ایکن بکچی طرفندن او یان دیر یله رق درحال اورادن کچمکده اولان پولیس دوریه سنه تسلیم اولمقده قره غولخانه یه کتور یلوب اوزرینک تحریر سنده کرک مذکور پاره یی و کرک کندی پاره سی الدقندن صکره پاشا قوسندمکی پولیس مدیریتنه کتوردکلرینی و اوراده اون ایکی پولیس درحال ارزرینه بالهجوم صباحه قدر ضرب و اشکنجه ایتدکلرندن تحمل ایدمه یه رک باغین بر حاله ککش اولدیغی جهته نه افاده ویردیکئی بیلمادیکی و اسکدارده قهوه جیدن و سائر ددن بالتحقیق بویله قلب اچقه سورمدیکئی آکلار یی اوزرینه استانبول پولیس مدیریتنه اعزام ایلدکلرینی و مدیریت مذکوره بودرومنده ینه اشکنجه ایله ضرب اولمغینی قورقوسی و موقوفین سائر نهک تشویقیله مدیریت توقیف خانه سندن فرار ایلدیکئی و ایرتسی کونی اقشامی غلطه ده بالوزرک او کنده شکرینی صاتوب خانه سنه کیتمک اوزره ایکن تحری مأمورلری طرفندن دردست ایدیلرک اوزرینک تحریر سنده جینه براقش اولدیغی سکر غروش ظهور ایتدیکندن تکرار اشکنجه و ضرب اولدیغی جهته اوراده نه افاده ویردیکئی بیلمدیکئی و حقیقت حال بوندن عبارت اولدیغندن تحقیقات عمیقہ اجرا اولمغینی مبین بولمقده نه دیه جکی صورلدقده افاده سی بوندن عبارت اولدیغی سرد ایتمکه متهم مرقومک استنطاقاً مضبوط ۱۶ تموز ۳۲۸ تاریخلی افاده سی دخی اوقوت دیرلدقده کندوسی بر آری اول صامسوندن واپوره را کبا استانبوله کلکده ایکن واپورده کوروشدیکئی علی نامنده بر کردک « کل سنی ازمیته کتوره یم اوراده ایش بولورز » دیمسی اوزرینه واپوردن چیقدکلرنده درحال ازمیت واپورینه ینوب کیتدکلرینی و اوراده ایش بوله مادکلرندن کندوسی عودت ایدرک مرقوم کرد علینک اوراده قالدیغی و بو کردک کیم اولدیغی و شمدی زرده بولندیغی بیلمدیکئی و دردست ایلدیکئی کونی طانیادیغی صقاللی بر افندیگن « اسکداره کل اسکله باشنده قهوه خانه ده بکله سنی بستانمه کتوروب چالیشدیره یم » دیمسی اوزرینه

اسکداره کیدرک بر قهوه خانه نکده اوتوردیغی و افندی مومی الیه کله دیکئی جهته اسکله باشنده کی کیجه یاتمقده ایکن بکچی طرفندن پولیسه تسلیم ایلدیکئی و اوزرینک تحریر سنده قلب اچقه نک ظهور ایتدیکئی و اسکدار مرکزنده ابتدا اوزرنده ظهور ایدن قلب اچقه یی اسکدارده یکی جامعده بولدیغی سویلدیکئی و فقط بونک یالان ایدو کئی و اورادن بشقه بر مرکزیه سوق ایدیلرک اوراده طوغریسنی سویله دیملری اوزرینه بودفعده دیوان یولنده اسمنی بیلمه دیکئی بر تنکه جینک سورمک اوزره کندوسنه ویردیکئی افاده ایتدیکئی و کندوسی استانبوله سوق ایدرک متفرقه ده بولمقده ایکن کیجه لین ایکی ارناوودله برلکده پنجره نک تیمورلرینی اچهرق کندوسی فرار ایلدیکئی و ایرتسی کونی اوتده بروده طولاشوب بر قاچ کون صکره غلطه ده یقالادکلرینی و اسکدار مرکزنده بریلان دها سویلدیکئی یغی اوزرنده ظهور ایدن قلب اچقه لری علی نامنده بر آرقداشی ایله و بر بقالک انضمام معلوماتیله قلعهدننده کی کلبه ده اعمال ایتدکلرینی حکایه ایلدیکئی و فقط پولیسر بویلا نه دخی اینسانمادکلرندن نهایت دیوان یولنده کی تنکه جیدن آلدیغی سویلدیکئی و پولیسر کندوسی دو کرلر سه دها چوق یلان سویله جکئی بیان و استنطاقاً ۲۳ اغستوس ۳۲۸ تاریخنده ضبط ایدلش اولان ایکنجی افاده سنده کندوسنک کرک ضابطه ده و کرک بوراده ویرمش اولدیغی افاده رک هپسی یالان اولوب انحق ضابطه ده مذکور قلب پاره لری یکی جامع حولیسندن بولدیغنه دائر اولان افاده سی طوغری اولدیغی و مأمورین ضابطه کندوسی دو کدکلری جهته کاملاً یالان سویلیوب بوراده دخی ضرب اولتور قورقوسیله یالان سویلدیکئی و ضابطه جهه ایلک دفعه دردست اولندیغنده اوزرنده ظهور ایدن پاره نک هپسی انهمیوب بر مقدار ی قالمش ایدو کندن بوقالمش اولان پاره نکده ایکنجی دردستنده اوزرنده ظهور ایتدیکئی اتیان ایتش اولدیغی خطرار ونه دیه جکی استفسار اولندقده نه سویلدیکئی بیلمه یورم دیه جواب ویردی .

علی هذا تحقیقات اولیه یی حاوی اوراق دخی لدی القرائه بونلردن اسکدار پولیس مرکز معاونی فهمی و سائر امضالی و ۷ تموز ۳۲۸ تاریخلی ضبط ورقه سنده شهر حال رومینک یدنجی کیجه سی زوالی ساعت اون ایکی راده لرنده اسکدارده یکی جامع شریف قیوسی یاننده کی تحتلر اوزرنده یاتدیغی کوریلرک اسکله مرکزینه کتورلش اولان و قره کرکده جامع زقاقنده متصرفاً ساکن تیزه سی امینه خانمک زدننده یتوت شو بیان اون سکر یاشلرنده ابراهیم بن عثمانک اوزرینک تحریر سنده قوشاغنه باغلی و ایچ طرفنه طوغری کیزلی سیاه برکیسه دروننده قرق بر عدد غروشلق قلب اچقه ظهور ایتش و عندالاستجواب مذکور اچقه یی جامع مزبور حولیسندن کی موصلقدرده الی بیقامقده ایکن بولدیغی سویلش اولمغندن طولای حقدنه تعقیبات قانونیه ایفا اولمق اوزره مدیریته کوندیلرک وقتک عدم مساعدنه مبنی عدلیه دائره سنه ویریله میوب نقصان قالان تحقیقاتک ا کالی ضمننده مرکزیه اعاده اولنان مرقوم ابراهیم تکرار استجواب اولندقده اوچ کون مقدم یعنی پنچشنبه کونی بر تنکه هونی مبابیه ایتک اوزره چنبرلی طاش جوارنده دیوان یولنده کائن اولوب اسمنی درخاطر ایدمه دیکئی و فقط شخصاً کوستره جکی بر ارمینک دکانه کیتدیکئی ائساده مرقومک



اون ياشلرنده بر خريستان چوجغه اعمال ايداش غروشلق قلب اچقه وريدكنى كوره رك مذكور اچقه نك قلب اولديغنى سويلسى اوزرينه « كيمسيه سويليه جكنه يمن ايدرسك سكاوه ويرهيمده نمقدار اچقه سورر ايسه ك يارى يارى به تقسيم ايدهرز » ديمسيه كندوسى ده راخى اولديغى كى نه صورتله اعمال ايدليكنى دخى كندوسنه اوكرته جكنى وعد ايدليكنى وقلب اچقه اعمالنه مخصوص اولان آلاى كوسترديكى مثللو آمريقادن كتورتديكنى ده سويلديكنى ومذكور قالى دكان قوسنك صاغ طرفده بولنان برطاقم تنكه آلات وادواتى ارقه سنده اسكى چوال پارچه لرى آلتنه قويديجى و يارين ايركندن كلبنى اخطار ايتديكنى وكندوسى ده ايرتمى جمعه كوني ايركندن دكانه كتيكند « شمديك سكا قرق ايكي غروشلق ويريورم بونلرى سورده دها ويرهيم هيچ صيقتى چكمرسك سن ده قزان بن ده قزانيم » ديه رك قرق ايكي غروشلق اچقه ويرهيمسيه كندوسى ده طوغريجه كوپرى به كيدرك واوراده اختيار بر يهوديدن بر سيغاره كاغدى آله رق بونلردن بر غروش ووروب آنك ده اوتوز پاره اعاده ايدليكي واورادن اسكداره كچرك اوتده بروده طولاشمش ايسه ده كيمسيه سورمه ك بر درلو جسارت ايدمه ديكنى واورده ده آقشام اولمش ايدوكندن وبوطر فلرده كيمسيه طانياديغندن يكي جامع شريف قپوسنده كي تحته لر اوزرينه كيدوب ياتديغى واوراده بكجي طرفدن كوريله رك بالاخره كلن پوليس مأمورلرينك دخى دردست ايتدكلى واورزينك تحريسنده اشبو قلب اچقه لرك ظهور ايتديكنى بيان ايدليكي و ۱۰ تموز ۳۲۸ تاريخلى تحرى ورقه سنده قلب اچقه سوريجيلكي ماده سندن دردست ايديلوب اثنای استجوابنده اوزرندن ظهور ايدن پاره لرك چنبرلى طاش جوارنده ارئه ايدجكي بر تنكه جي دكاننده اعمال ايدليكنى سويلش اولان ابراهيم بن عثمانك ارئه ايدجكي محللرك تحريسي ضمننده شهر حالك سكرنجي بازار كوني مرقوم ابراهيم بالاستصحاب محل مذكوره عزيمت ايدلمش واوراده كوسترديكى قپالى برتنكه جي دكاننك لى التحقيق خاصكى جوارنده طاش قصابده منلا كوراني محله سنده ايكنجي زقافده بر نومرولو خانه ده ساكن اورفهللى يوسفك دكاني اولديغى آكلاشلمش ايسه ده مرقومك خانه سندن مع حائله مسافرلكه كيتمش اولغله برابر كيجه ده حلول ايلمش اولديغندن فرداسى كوني ايفاي معامله اولتمق اوزره مذكور خانه ودكان تحت ترصد وتأمينه آلتديغى كي مرقوم ابراهيمك دخى برلى محافظه اياصوفيه مركزينه واورادنده يامذكره مديريت عموميه متفرقه مركزينه كوندرلمش ايدوكى و فرداسى بازار ايرتسى كوني مذكور دكانك تحريسنده حاضر بولنديرمق اوزره طلب اولنان مرقوم ابراهيمك كيجه لين پنجره نك تيور پارمقلى قيره رق فرار ايلش اولديغى خبر ويرلمكه مرقوم يوسفك دكان و خانه سنك تحريسنده قلب اچقه اعمالنه مخصوص آلات واجزا بولماديغى و غلظه پوليس مركزنده مقيد شراف الدين و سائر امضالى و ۱۳ تموز ۳۲۸ تاريخلى ضبط ورقه سنده شهر حال رومينك اون دردنجي جمعه ايرتسى كيجه سى ساعت بش راده لرنده بر شخصك داعي اشتباه بر صورتده غلظه ده طولاشمقده وبوندن بش كون مقدم قلب اچقه ايله دردست ايدلمش ايكن متفرقه ده تيور پارمقلى قيره رق فرار ايدليكندن تحرى اولتمقده ايدوكى استخبار

ايدلمكه دردست اولنهرق مركزه كتوريلان و اسمنك ابراهيم اولديغى سويليان شخصك اوزرى تحرى اولندقه صغير بر چانطه دروننده سكر عدد قلب يكي غروشلق ويشيل بر منديل اوجنده دخى بر چاريك و طقوز يكرميك و يكرمى يدى متالك و درت عدد بش پاره لق و بر صغير اناختار ظهور ايتش اولديغى و عند الاستجواب يدى سكر غروشى سورمش اولديغى قلب غروشلردن آلتديغى ومتباقيسنك كندى پاره سى اولديغى اقرار ايدليكي ومتفرقه قوميسر معاونلكنك ۱۴ تموز ۳۲۸ تاريخلى ضبط ورقه سنده دخى قلب اچقه سورمسندن طولاي اسكدار اسكه مركزندن اجراى تحقيقات و تحريات ضمننده كوندريله رك متفرقه ده تحت نظارتده ايكن فرار ايتش اولان ابراهيم بن عثمان غلظه مركزنجه دردست اولنوب بوكره جهت عدليه توديع اولتمق اوزره بك اوغلى بدايت محكمه سى مدعى عموميلكندن اوراقيله برلكده اعزام اولنقله كيفيت مرقوم ابراهيمدن استيضاح اولندقه مقدما مجازات قانونيه دن تخلص كريبان ايتك مقصديه مذكور قلب پاره نك اسمنى بيله مديكي بر تنكه جي طرفندن اعمال وكندوسنه اعطا ايدليكنى وبوصورتله ضابطه يي اغفال ايتديكنى و حقيقت حالى طوغرى سويليه جكنى باليان كندوسنك صنعتى تنكه جيلك اولوب بوكچن رمضابدن صكره ادرنه قپوسنده صولى قله نك اوست جهتنده چشمه نك ياننده اوفق بركله انشا ايدرك واوراده اجراى صنعت ايتكه ايدوكى و دوچار اولديغى ضيق معيشت يوزندن اوچ اى اول مذكور كلبه ده كندى كندينه چنقودن غروشلق بر قالب تدراك ايدرك پاره اعمالنه بالابتدار يوميه اون بش قدر سورمكه اولديغى وقلاي اريتك ايچون ياپديغى تنكده دن اوفق برطاوا ايله مذكور قالى مذكور كلبه دروننده ارئه ايدجكي بر محله طوپراق ايچنده وضع واخفا ايدليكنى و قره كرك جوارنده سلطان محله سنده اون بش ياشلرنده جانباز على اوغلى علينك ده ارقداشى اولديغى و كلبه سنك قارشوسنده كي بقال ميخال و چراغى يوانك دخى خبرلرى وار ايسه ده بونلرك كندولرينه اورتاق اوليوب يالكز ميخالك سزى حكومه خبر ويريوم ديمسه قارشى حق سكوت اولهرق يوميه برقاچ غروش ويريومكه اولدقلى افاده ايدليكي وقره كرك پوليس مركزى مأمورلغنك ۲۸ اغستوس ۳۲۸ تاريخلى جوابنامه سنده دخى لى التحقيق سكر ماه مقدم مرقوم ابراهيم طرفندن انشا ايدلمش قلعه بوينده چشمه اتصاليده كي بركله ده مرقومك تنكه جيلك و شكر جيلك ايله اشتغال ايتش وبوندن اون كون مقدم مذكور كلبه تيزه سى طرفنده هدم ايديله رك دروننده موجود آلات وادواتك خانه سنده نقل اولنش و بقال ميخال و يوان اليوم محل مذكوره كي دكانده اجراى صنعت ايتكه اولوب مرقوم ابراهيمك سلطان محله سنده چشمه زقافنده ساكن اون بش ياشلرنده جانباز على اوغلى على ايله اشتراكى اولوب اولماديغنى آكلاشيله ماش اولديغى اشعار واسكدار ضابطه طبيي قره بت امضالى و ۷ تموز ۳۲۸ تاريخلى معايينه راپورنده مرقوم ابراهيمك اللرينك وجه قدامنده مشط وسلامت يد خذالرنده تيورجى و صندالجي وسائر مثللو دائما اللرى بر جسم صلب ايله دلک و تماشه مجبور اولان صنايع احبابنده مشاهده اولنان آثار موجود اولديغى كى يد ايتى اهام و سبابه و متوسط پارمقلىنك اوچنجى سلاميلرى



وجه قداميلرندہ دھا ظاهر وید ایسری مذکور پارمقارینک عین مواقعدہ او قدر ظاهر اولیان و صاب  
اولغله برابر اولدقچه خار اولان بر جسم ایله دلک اولنهرق ادمه نك صورت خفیفه ده یا تمسیله مترافق کسب  
نخن ایتش اولدینک کورلیدیکی واشبوتعداد اولنان اثارلده قلب اچقه اعمالیله اشتغال ایدلرده کوریلان آثاره  
شیه ایدوکی و مسکوکات مدیرینک ۲۷ ایلول ۳۲۸ تاریخی تذکره سنده دخی لاجل المعاینه ارسال قلنان  
قرق طقوز عدد قرقلق نیکل مسکوکات تحلیل و معاینه ایدیلرک قلب اولدقاری لدی الحواله سر سکه کسن  
وسرچاشنی و تحلیل مأمورلنی طرفدن ویریلن راپورلردن آکلا شلمش اولغله بولردن سر سکه کسن طرفدن  
ویریلن راپورک بر صورت مصدقه سنک ربطاً ارسال و مذکور المقدار قلب نیکل پاره لک دخی علی الاصول  
اداره ده حفظ و توقیف ایدلش اولدینی واشبو تذکره ده بیان اولنان سر سکه کسن مأمورلنک ۱۹ ایلول  
۳۲۸ تاریخی راپورک صورت مصدقه سنده دخی در سعادت بدایت محکمه سی مدعی عمو میلکندن لاجل المعاینه  
ارسال اولنان قرق طقوز عدد نیکل قرق پاره لک مسکوکات عثمانیه یی بالتقلید اصلندن اقتباساً اصاغه صورتیه  
اعمال اولنوب قلب اولدقاری آکلا شلمغله طغرالی بالاسنه علامت فارقه وضع اولدینی ازابار قلنمشدر .  
قرائت اولنان اشبو اوراق مندرجاتنه قارشى نه دیه جکی متهم ابراهیمدن سؤال اولندقدہ بشقه افادہ  
یوقدر نه سولیش اولدینمی بیلیم دیو جواب ویردی .  
مدعی عمو میلک مقامندن بالاعطا قرائت ایتدیریلان شهود یوصله سنده اسامیسی محرر بولنان اسکدار  
پولیس مدیریتی متفرقه قومیسر معاونی ایکی یوز الی بش نومروده مقید اوتوز یاشنده ملاطیه لی حسین  
افندی بن محمد و مدیریت مذکورده سوق مأموری پولیس افرادندن ایکی بیک بش یوز قرق نومروده  
مقید اوتوز ایکی یاشنده استانه لی ابراهیم افندی بن یوسف کال الدین و پاشا قپوسی پولیس مرکزنده مستخدم  
ایکی بیک آلتی یوز اوتوز ایکی نومروده مقید یکریمی درت یاشنده استانه لی محمد صالح افندی بن عثمان  
و مرکز مذکورده مقیدلک وظیفه سیله مشغول پولیس افرادندن ایکی بیک اوچیوز یکریمی اوچ نومروده  
مقید یکریمی آلتی یاشنده بروسل عثمان نوری افندی بن محمد وینه مذکور مرکزده مستخدم پولیس  
افرادندن ایکی بیک بش یوز یتش درت نومروده مقید یکریمی سکر یاشنده سلا نیکی محمد رشدی افندی  
سالم و غلطه پولیس مرکزی مرتباتندن بیک یدی یوز اوتوز یدی نومروده مقید یکریمی یدی یاشنده  
هرکلی حسین خلیل افندی بن عمرک دعوت و قعه یه اتباعاً ورود ایتدکلی خبر ویرلمکله یکان یکان حضور  
محکمه یه چیقاریلهرق لدی السؤال وقعه مناسبتیه طانیدقاری متهمه بر کونه قرابت و مناسبت و خصوصتلی  
اولمادینی آکلا شلدقندن و تعریفات قانونیه دائره سنده امر تحلیفلی اجرا قلندقدن صکره منفرداً و مواجه  
اسماع اولندقاری بولردن حسین افندی متهم ابراهیم اسکدار اسکله مرکزنجیه در دست اولهرق مدیریته  
کوندربلسیله استجواب اولندقدہ اوزرنده ظهور ایدن قلب اچقینی دیوان یولنده کوستره جکی بر تشککچینک  
اعمال ایدوب کندوسنه ویردیکی سولیس اوزرینه تحری مأمورلرینک قلم مراقومی مستصحباً استانبوله کیتش

ایدوکلرینی و قلم مراقوم بر تشککچی دکانی ارأه ایتش اولغله برابر مراقوم تشککچی بولنه مدینی کبی وقتک  
دخی کچ اولسی مناسبتیه او کیجه برای محافظه استانبول متفرقه سنه تسلیم ایدلش ایدوکی و متهم مراقوم  
او کیجه متفرقه نك بخره سندن فرار ایدوب بر قاچ کون صکره غلطه پولیس مرکزنجیه در دست اولنهرق  
بک اوغلی بدایت مدعی عمو میلکندن مستطقلکک عدم صلاحیت قراریه تکرار اسکداره اعزام اولغله  
تکرار استجواب ایتدکلی اولکی افاده سی خلاف حقیقت اولدینمی و ادرنه قپوسی خارجنده کائن اوفق  
کلبه سنده پاره یی کندوسی اعمال ایتدیکنی و علی اسمنده بر رفیق ده بولندینمی و او جوارده کی بقال میخال  
ویوانک دخی کیفیتدن خبردار اولدقاری بیان ایتسیله بوبابده تنظیم ایتدکلی ضبط ورقه سی امضا ایتدکلی  
اخبارایله بالاده مندرج ۱۴ تموز ۳۲۸ تاریخی ضبط ورقه سی تکرار و عندالاستفسار قلم مراقوم کوستردیکی  
تشککچینک دکان و خانه سنک تحریسندہ قلب اچقه اعماله مخصوص آلات و ادوات ظهور ایتدیکنی و متهم  
مراقومک کرک اسکدارده و غلطه ده حین در دستنده اوزرنده مقدار حقیقیسی اولبابده کی ضبط ورقه لرنده  
مندرج قلب یکی غروشلقلر چیقمش ایدوکی و شهادتنک حضور محکمه ده کی متهم ابراهیمه عائد اولدینمی  
و مراقومک بیانات آنفهی طوعاً واقع اولوب بر کونه تهدید و توکید اجرا ایدلدیکنی تذکار و مارالد کر  
ضبط ورقه سی ارأه و سؤال اولندقدہ موضوع بحث اولان ضبط ورقه سی اولدینمی علاوہ کفتار ایلدی .  
بو شاهدک ذات و شهادتنه قارشى نه دیه جکی متهم مراقومدن صورلدقدہ الله عمرلر ویرسون بشقه افادہ  
یوقدر جوابی ویردی .  
دیگر شاهد ابراهیم افندی کندوسی متهم مراقومک صوک دفعه سنده متفرقه ده واقع اولان استجوابنده  
بولنوب بوبابده تنظیم ایدیلن ضبط ورقه سنده بر تفصیل مندرج اولدینمی اوزره بوقلب اچقینی ادرنه قپوسی  
خارجنده صولی قله یه کیدن یولده کائن اوفق بر کلبه ده موجود بولنان قالب ایله اعمال ایتدکله ایدوکی  
و علی اسمنده بر رفیق دخی اولدینمی و او جوارده بولنان بر بقالکده و قوفی اولوب حق سکوت اولمق اوزره  
بوکاده بر مقدار پاره ویرمکده ایدوکی و بوافاده سنک موافق حقیقت اولدینمی سولیدیکنی و کندوسی مسئله نك  
اولیاتندن خبردار اولدینمی بیان و عندالاستیضاح شهادتنک حاضر بالحاکمه متهم ابراهیمه عائد اولدینمی  
و مراقومه بر کونه تهدید و اکراه واقع اولوب افاداتنک بالرضا و قوعبولدینمی اتیان و مذکور ضبط ورقه سی  
ارأه و سؤال اولندقدہ افاده ایتدیکنی ضبط ورقه سی اولدینمی در میان ایلدی .  
بو شاهدک ذات و شهادتنه قارشى نه دیه جکی متهمدن صورلدقدہ قبول ایتیه جکنی و افاده سنی ویردیکی  
سرد ایتدی .  
دیگر شاهد محمد صالح افندی متهم ابراهیم اسکدار اسکله مرکزنجیه در دست اولنهرق اوزرینک  
تحریسندہ قرق بر عدد قلب یکی غروشلقل ظهور ایتدیکنی و عندالاستجواب مذکور اچقینی اسکدارده یکی  
جامع شریف حولیسندہ موصقلر اوکنده بولدینمی سولیدیکنی بیانیله اکال تحقیقات ضمنده پاشا قپوسی



مرکزیه کوندلمکله تکرار استجواب اولندقدده متهم مرقومک مذکور اچیهی چنبرلی طاش جوارنده دیوان یولنده کوستریله جکی برارمینک سورمک اوزره ویردیکنی و اورادن کوپری باشه کیدوب و بر اختیار یهودیدن برسیغاره کاغدی صتون آلوب مذکور غروشلقدردن برعددی سورده رک اوتوز پاره کری آلدیغنی و اورادن ده اسکداره کچهرک طولاشمش ایسهده کیسهیه سوردهمدیکنی و مارالذ کر یکی جامع شریف حولیسنده یا تمقده ایکن بکچی و پولیس طرفندن دردست ایدلدیکنده قلب اچیهنک اوزرنده ظهور ایتدیکنی برتقصیل سویلدیکنی و کندولری ده بوباده بر ضبط ورقهسی تنظیم و امضا ایتدکلرینی بالیان بالاده مندرج فی ۷ تموز ۳۲۸ تاریخلی ضبط ورقهسی محتویاتی تکرار و متهم مرقومک حین دردست و تحریرسند و سائر تحقیقات جاریهده کندوسی بولنادیغنی تذکار و عندالاستفسار بوضورتله افاداده بولنان شخصک حضور محکمهده کی متهم اولدیغنی و مرقومه برکونه جبر واکراه واقع اولمادیغنی و مذکور ضبط ورقهسی ارأه و سؤال اولندقدده متهم مرقومک عقیب استجوابنده تنظیم ایدیلن ضبط ورقهسی اولدیغنی علاوه کفتار ایلدی .

بوشاهدک ذات و شهادتنه قارشی نه دیه جکی متهم مرقومدن سؤال اولندقدده هیچ قبول ایتم سزبیلورسکنز جوابنده بولندی .

دیگر شاهد عثمان نوری افندی متهم ابراهیم اسکدار اسکله مرکزی مأمورینی طرفندن دردست اولنهرق حین تحریرسند اوزرنده ظهور ایتمش اولان قلب اچیه ایله برلکده پاشا قوسی مرکزیه برای تحقیقات اعزام اولمغله استجواب ایتدکلرنده مذکور قلب اچیهی چنبرلی طاش جوارنده بر تنکجهچینک ویردیکنی و بونلردن بر غروشنی کوپری باشنده اختیار بر یهودی یه سوردهدیکنی و اورادن اسکداره کله رک فقط کیسهیه سوردهمدیکنی و یکی جامعده یا تمقده ایکن اچیه ایله برلکده دردست اولندیغنی بیان ایله مذکور ۷ تموز ۳۲۸ تاریخلی ضبط ورقهسی تکرار و عندالاستفسار شهادتک حضور محکمهده کی متهم ابراهیم عابد اولدیغنی و مرقومک اشو افاداتک بالطبوع والرضا واقع اولدیغنی و مارالذ کر ضبط ورقهسی ارأه و سؤال اولندقدده مرقومک استجوابی عقبنده تنظیم و امضا ایتدکلری ضبط ورقهسی ایدوکنی و مندرجاتک جریان حاله موافق بولندیغنی تذکار ایلدی .

بو شاهدک ذات و شهادتنه قارشی نه دیه جکی صوریلان متهم مرقوم حاشا نه حدمدر دیدی .

دیگر شاهد محمد رشدی افندی متهم مرقوم ابراهیم اسکدار اسکله مرکزیه دردست اولنهرق ا کمال تحقیقات ضمننده اوزرنده ظهور ایتمش اولان قرق بر عدد قلب یکی غروشلق ایله برابر مرکز لینه اعزام اولندقدده استجوابی اجرا اولندقدده متهم مرقومک برکونه بر تنک هونی صتون المق اوزره چنبرلی طاش جوارنده کائن اولوب اسمنی بیلهدیکی و فقط ارأه ایده بیله جکی بر تنکجهچینک دکانه کیتدیکنده مرقوم تنکجهچینک بر چوجغه قلب غروشلق ویرمکده اولدیغنی کورمسلیله بونلرک قلب اولدیغنی سویلدیکنده کیسهیه افشا ایتیه جکنه دائر یمین ایتدیردکن صکره سورده جکی مقداری یاری یاریه تقسیم ایتک شرطیله

قرق ایکی عدد قلب غروش ویردیکنی و اورادن کوپری یه کیدرک اختیار بر یهودیدن بر سیغاره کاغدی صتون المق صورتیله بر غروشنی سوردهدیکنی و اورادن ده اسکداره کچهرک سورمک ایچون خیلی اوغراشمش ایسهده موفق اوله مدیغنی و کیجه یکی جامع شریف حولیسند یا تمقده ایکن دردست اولندیغنی و مرقوم تنکجهچینک قلب اچیه اعمالنه مخصوص اولان آلات و ادواتی کوستردیکی کبی بونلری امریقادن کتورتدیکنی و اصول اعمالی کندوسنده اوکرته جکنی وعد ایلدیکنی اقرار و اعتراف ایتکله بو باده بر ضبط ورقهسی بالتانظیم امضا ایلدکلری بالیان آنف الذ کر ۷ تموز سنه ۳۲۸ تاریخلی ضبط ورقهسی تکرار و عندالاستفسار متهم مرقومک هر طرفنی تحری ایتدکلرندن اوزرنده قلب اچیه قالمش اولمسی احتمالی موجود اولمادیغنی و مرقومک مذکور تنکجهجی یه کوسترمک اوزره استانبوله اعزام ایتدکلرنده فرار ایتمش اولدیغنی ایتدیکنی و شهادتک حضور محکمهده کی متهم ابراهیمه راجع اولوب اشو افاداتک برکونا جبر واکراه مستد اولمیه رق طوعاً واقع اولدیغنی و مذکور ضبط ورقهسی ارأه و سؤال اولندقدده متهم مرقومک استجوابی عقبنده تنظیم ایلدکلری ضبط ورقهسی اولدیغنی تذکار ایلدی .

بوشاهدک دخی ذات و شهادتنه قارشی نه دیه جکی صوریلان متهم مرقوم پاره اوستمده چیقدی بشقهسی قبول ایتم دیدی .

دیگر شاهد حسین خلیل افندی بر کیجه اسکدار تحری مأمورلری غلطهده طولاشمقده اولان متهم مرقوم ابراهیمک بر قاچ کون اول اسکدارده قلب اچیه ایله دردست اولنهرق بعض تحقیقات اجرایی ضمننده استانبوله اعزام ایدلدیکنده متفرقه نک پجره سندن فرار ایلدیکنی بالیان مرقومک دردست اولنسنی سویلرلیله یقالایوب مرکز کتوریه رک اوزری تحری اولندقدده کوچک برچانظه دروننده سکز عدد قلب غروشلقله بر مندیله اوجندهده صحیح العیار بر مقدار اوفق پاره ظهور ایتدیکنی و لدی الاستجواب مذکور قلب غروشلری سمیدجی و یمشجی کبی اصنافدن اوزر پاره لق بررشی صتون آله رق سورمک صورتیله مزبور صحیح پاره یی طوبلادیغنی بالطوع والرضا اقرار و اعتراف ایلدیکنی بیان و عندالاستیضاح شهادتک حضور محکمهده کی متهم ابراهیم حقنده اولدیغنی درمیان ایلدی .

بوشاهدک ذات و شهادتنه قاشی نه دیه جکی متهم مرقومدن سؤال اولندقدده قلب پاره یی برژاندارمه یلکمندن چیقاردی دیو جواب ویردی .

استیضاح واقع اوزرینه طرفینک توسیع تحقیقاته متعلق بشقه مطالبی اولمادیغنی آکلاشلغمغله تحقیقاتک بوندن عبارت اولدینی بیان اولندقدده معاون مومی ایه متهم ابراهیمک قلب اچیه اعمال ایلدیکنی آکلاشله میوب آنجق مرقومک اعمال ایدمش اولان قلب اچیه سوریحیلکنه جرأت ایلدیکنی شهودک شهاداتی ایله ثابت اولدیغندن یالکز قلب اچیه سوریحیلکی فعلنک فاعلی اولمق اوزره مجرمیتنه قرار ویرلمسی طلب وادعا ایلدی .

مدافعه وکیلی اسماعیل عیسی بک دخی قلب اچیه اعمالی حقنده کی طلب واقعه اشتراکله برابر بو کیفیت



غایت بیوک بر صنعت اولوب بونک ایسه موکندن صدوری مأمول اولمادیغنی و بناء علیه بوندن طولای برائته قرار ویرلمسنی و سوریجیلکه کلنجه بوده افاده سته منحصر اولوب شهود مستمعنه کافه سنک اخباراتی موکلنک اوزرنده قلب اچقه ظهورینی و کندی افاداتی نقل و حکایه دن عبارت اولدیغنی و موکلنک برنجی دفعه اوزرنده ظهور ایتش اولان قلب اچقه نك بر قسمنک جینه ذوکلش اولدیغنی یولنده کی افاده سنی رد ایده بیلجهك بر کونه دلیل موجود اولمادیغنی کبی مذکور اچقه یی هرایکی دفعه سنده سوردیکنک صورت قطعی ده تحق ایتدیکنی و بالکنز بر اختیار یهودی یه ویرمسنی خصوصی کندیسنک افاده مجرده سته انحصار ایتدیکنی و برده قانون جزاده آلتون و کموش و نحاس مسکوکات ایچون صراحت موجود اولوب نیکل مسکوکات حقه صراحت بولمادیغنی بالیان موکلنک سوریجیلک فعلندن دخی برائته و یا خود عدم مسئولیت قرار ویرلمسنی استدعا و متهم ده بشقه دیه جکی اولمادیغنی انبا ایلرله محاکمه نك ختام بولدیغنی بالا فهم مذاکره اوطه سته کیدلای .

محاکمات جاریه وجهله طرفینک ادعا و افادات و مدافعاتنک استماعندن و بالجمله اوراق دعوانک مطالعه و تدقیقندن صکره ایجاب کیفیت مذاکره اولندقدده بوجه بالا استماع اولنان قومیسر معاونی حسین و پولیس ابراهیم و محمد صالح و عثمان نوری و محمد رشدی و حسین خلیل افندیلرک متهم مرقومک اوچوز یکرمی سکنز سنه سی تموزینک یدنجی کیجه سی اسکدارده کائن یکی جامع شریف حوایسنده کی تحته اوزرنده یاتمقد اولدیغنی کورلمکله دردست ایدیلرک اوزری تحری اولندقدده قرق بر عدد قلب یکی غروشلق ظهور ایتدیکنی و عندالاستجواب اشبو قلب اچقه یی مذکور جامع شریف موصلقلری اوکنده بولدیغنی بیان ایلدیکنی و اکال تحقیقات ضمننده اسکدار اسکله مرکزندن متفرقه مرکزینه اعزام اولنهرق تکرار استجواب اولندقدده بوکرده چنبرلی طاش جوارنده اسمنی بیلمدیکی و فقط کوستره بیلجه جکی بر تنکه جینک سورمک اوزره کندوسنه قرق ایکی قلب یکی غروشلق ویردیکنی و مذکور غروشلردن بر عددینی کوپری باشنده اختیار بر یهودی یه بر سیغاره کاغدی آلمق صورتیله سوردیکنی و اورادن اسکداره کچرک اوتده بروده خیلی طولاشمش ایسه ده کیمسه یه سورمکه موفق اولمادیغنی و کیجه مذکور جامع حوایسنده یاتمقدده ایکن دردست اولنهرق اوزرینک تحریسنده آنف الذکر قلب اچقه نك ظهور ایتدیکنی سوبلیدیکنی و بونک اوزرینه مذکور تنکه جی کویسترمک اوزره استانبوله اعزام اولنهرق ارئه ایلدیکنی تنکه جی دکاننک قیالی اولمسی و کیجه نك حلولی مناسبتیله لاجل المحافظه استانبول متفرقه مرکزینه تسلیم اولمش ایکن کیجه مرکز مذکورک پنجره سی تیمورلرینی قیره رق فرار ایلدیکنی و مرقوم تنکه جینک دکان و خانه سنک تحریسنده قلب اچقه اعمالنه مخصوص الات و ادوات ظهور ایتدیکنی و بر قاق کون صکره غلطه ده طولاشمقدده ایکن تکرار دردست اولنهرق اوزری تحری اولندقدده کوچک بر چانطه دروننده سکنز عدد کذلک قلب یکی غروشلق ایله بر مقدار صحیح العیار آچه چیقدیغنی و عندالاستجواب قلب اچقه یی سمیدجی و میسجی کبی اصنافه سوردیکنی

اعتراف ایتدیکنی و اورادن ده اسکداره اعزام اولنهرق تکرار استجوابی اجرا اولندقدده قلب اچقه یی ادرنه قیوسی خارجنده کائن کلبه سنده کندوسی اعمال ایتکده ایدوکنی و علی اسمنده بر رفیق دخی اولدیغنی و او جوارده دکانی بولنان بقالمیخال و یوانک دخی کیفیتدن خبردار اولملری حبسیله کندولرینه حق سکوت اولمق اوزره بر مقدار پاره ویرر ایدوکنی افاده ایلدیکنی حضور محکمه ده مع القسم و علی الدرجات اخبار ایلرینه و بالاده مندرج ضبط ورقه لری مندرجاتی دخی اخبارات آنفیه یی تأیید ایلسنه و متهم مرقومک استطاقاً ضبط ایدمش اولان برنجی افاده سنده صامسوندن استانبوله کلش ایکن واپورده کورشدیکی کرد علی نامنده بریسنک تکلیفی اوزرینه ایش بولمق اوزره ایزمته کیدوب اوراده ایش بوله مادیغندن عبودت ایتدیکنی و دردست ایلدیکنی کون کندوسنی بستاننده چالشدیره جغنی سوبیلان صقالی بر افندی یی بر قهوه خانه ده بکله یوب کله دیکی جهته کیجه جامعده یاتمقدده اولدیغنی صروده بکچی طرفدن پولیسه تسلیم ایلدیکنی و اوزرینک تحریسنده قلب اچقه نك ظهور ایتدیکنی و ایلک استجوابنده قلب اچقه یی اسکدارده یکی جامعده بولدیغنی و اورادن بشقه بر مرکز سواق ایلدیکنده بو دفعه ده دیوان یولنده اسمنی بیلمدیکی بر تنکه جینک سورمک اوزره کندوسنه ویردیکنی سوبلیدیکنی و کندوسنی سواق ایتدکری متفرقه مرکزنده ایکی ارناودله برلکده پنجره نك تیمورلرینی آچهرق فرار ایتدیکنی و بر قاق کون صکره غلطه ده یقلانهرق تکرار اسکداره اعزام اولندیغنده بر یلان دها سوبلیدیکنی و یغنی اوزرنده ظهور ایدن قلب اچقه یی علی نام ارقداشیل و بر بقالک انضمام معلوماتیله قلعه بندنده کی کلبه ده اعمال ایتدکری حکایه ایلدیکی بیان و ایکنجی افاده استطاقه سنده کندوسنک کرک ضابطه ده و کرک استطاقده ویرمش اولدیغنی افاده لک هپسی یلان اولوب انجق ضابطه ده قلب اچقه یی یکی جامع حوایسنده بولدیغنه دائر اولان افاده سی طوغری اولدیغنی و مأمورین ضابطه کندوسنی دوکدکاری جهته کاملاً یلان سوبلیوب استطاقده دخی ضرب اولنور قورقوسیه یلان سوبلیدیکنی و ضابطه ججه ایلک دردستنده اوزرنده ظهور ایدن پاره نك هپسی آله مایوب ایکنجی دردستنده قالمش اولان برمقداری چیقدیغنی اتیان و حضور محکمه ده دخی التی ماه مقدم ملکیتی اولان ملاطیه دن کلن احمد اضا نامنده بر احبابندن اسکدارده اسکله باشنده عرب حاجی افندی نك قهوه خانه سنده کورشمک اوزره دعوتی متضمن بر قارت پوستال آلمسی اوزرینه اسکداره کیدرک احمد اغایی کیجه ساعت یارمه قدر مذکور قهوه خانه ده بکله دیکی خالده کله دیکی کبی واپور دخی بولمادیغندن مرقوم احمد اغایی اوزاده بولور فکرله کیجه یی اوراده کچوردیکی و او کیجه مسافر قالمق ایچون مراجعت ایتدیکی بر خانجینک نفوس کاغدی اولمادیغنی بیانیله قبول ایتدیکندن کیجه یی محل مذکورده کائن یکی جامع شریف حوایسنده امراره مجبور اولدیغنی و جامعک موصلقلرنده اللرینی ییقامقدده ایکن بر کیسه دروننده بر مقدار پاره بولمغه درحال آلوب جا کتنک جینه قویدیغنی و جینک استاری دلیک ایدوکنندن سکنز غروش جینک ایچروسنده قالمش اولوب متبایسنک النده ایدوکنی و او کیجه اوراده یاتمقدده ایکن بکچی طرفدن او یاندریله رق پولیس دوریه سته تسلیم اولمغه



قرغولجانیه بکتوریلوب اوزرینک تحریسندہ کرک مذکور پاره‌ی و کرک کندی پاره‌ی سنئی آلدقن صکره پاشا قوسنه کوندر دکلرینی و اوراده اون ایکی پولیس طرفدن ضرب و اشکنجه ایدلیدیکندن بایغین بر حاله کلش اولدینی جهته نه افاده ویردیکنی بیلمه‌دیکنی و اعزام اولدینی استانبول پولیس مدیریتی بودرومنده یینه اشکنجه و ضرب اولته جنی قورقوسی و موقوفینک تشویقیله فراز ایلدیکنی و ایرتسی کونی اقشامی غلطه‌ده بالوزلرک اوکندہ شکرینی صاتوب خانه‌سنه کیتک اوزره ایکن تحری مأمورلری طرفدن دردست ایدیلهرک اوزرینک تحریسندہ جینه بر اقمش اولدینی سکر غروش ظهور ایتدیکندن تکرار ضرب و اشکنجه ایدلیدیکنی جهته اوراده نه افاده ویردیکنی بیلمه‌دیکنی درمیان ایدرک کیفیتی تأویله ابتدار و بالنتیجه هرایکی دفعه‌سنده واقع اولان دردستنده قلب اچقه‌نک اوزرنده ظهور ایتدیکنی طوعاً اقرار ایلسنه و مذکور اچقه‌نک قلب اولدینی ضربخانه‌نک تحلیل راپورنده کوسترلسنه و مدافعاته نقل کلام اولندقدہ متهم مرقومک هر طرفی تحری ایدلیدیکندن اوزرنده بشقه قلب اچقه قالمش اولسی غیر محتمل بولدینک جمله اخبار اتدن بولنسی و ایلک دردستنده قلب اچقه‌نک قوشاغنه باغلی و ایچ طرفنه طوغری کیزلی سیاه برکیسه دروننده و ایکنجی دردستنده دخی بر چانطه ایچنده ظهور ایتسی متهم مرقومک برنجی دفعه اوزرنده ظهور ایدن قلب اچقه‌نک برقسمنک جینه دوکلش اولدینی یولنده کی افاده‌سنک بطلاننه دلیل کافی اولسنه و متهم مرقومک مذکور اچقه‌ی سوردیکی جمله اعترافاتندن اولدینی ایلک دفعه دردست اولنش ایکن بر تقریبه فرار و تکرار قلب اچقه تدارکنه اجتسار ایتسی و قره کرکده اقامت ایلدیکنی حالد اسکدار و غلطه جهتلرنده قلب اچقه ایل برلکده دردست اولنسی و کاه بر صقاللی افندینک و کاه مملکتندن کلن احباسندن احمد اغانک دعوتی اوزرینه اسکدار کیتدیکنی سرد ایلهمباین افادانده بولنسی اولباده کی اقرارینی تأیید ایلسنه و قانون جزاده علی الاطلاق قلبزلکه متعلق مواد حقنده احکام جزائی و وضع اولنسی و دولت علیه‌ده تداولی نظاماً مقبول و مقرر اولان مسکوکاتک تقلیدینه مانع اولق حکمتنه و بونک آلتون و کوش و نحاسه متدائر اولهرق تفریق اولنسی ده افراد اهلینک دوچار اوله جنی مقدار ضرره نظراً جرم ایل جهته بینه‌ده نسبت بولنق قاعده معدلتکاریسنه مستند اولوب یوقسه متن قانونده تعداد اولنان آلتون و کوش و نحاسدن ماعدا دولته تداولته قانون مخصوصه جواز ویرلش اولان مغشوشه و نیکل مسکوکاتی تقلیده و یاخود بونلرک ممالک عثمانیه‌ده تداولته معاونته جرأت ایدنلرک جزاسز قالمسی روح و مقصد قانون موافق و بناءً نیکل مسکوکاتک قانونده تصریح اولنمسی عدم مسئولیتی مستلزم اوله میه‌جغه و چونکه قانون جزانک یوز قرق دردنجی ماده‌سی آلتون و کوشدن غیر معادنن معمول و ایدی ناسده متداول مسکوکات دولت عثمانیه‌ی تقلید و یا تداولته معاونت ایدنلر یعنی بونلری سورنلر حقنده موضوع اولوب قانونک زمان وضعنده کوش و آلتونن بشقه مسکوکاتک نحاسدن معمول اولمسندن ناشی ماده مذکورده مسکوکات نحاسیه تعبیری استعمال قلنمش اولسنه مبنی متهمک انکار و تأویلاتی و اسباب مشروحه‌یه قارشی مدافعه و کیلنک کافه مدافعاتی غیر وارد و الحاصل متهم مرقوم ابراهیمک

قلب اچقه اعمال ایلدیکنی اکلایشله میوب انجیق تقلیداً قطع ایدلش اولان نیکلدن معمول غروشلق سکه‌نک تداولته معاونته قلب اچقه سوریحیلکی ایتدیکنی دلائل و بیانات مسروده‌دن متحصل قناعت وجدانیسه ایله ثابت اولدیندن اولوجه‌یه مجرمیتنه و جاهاً و متفقاً قرار ویرلدی.

محاکمه اوطه‌سنه عودتله قرار مذکور علناً قرائت و بیان اولندقدہ معاون مومی الیه مجرم ابراهیمک قانون جزانک یوز قرق دردنجی ماده‌سنه توفیقاً تحدید جزاسنی طلب و ادعا و وکیل مدافع موکلنک تخفیف جزاسنی استدعا و مجرمده دیه‌جکی اولمادیغنی بیان ایللریله اولباده کی محاکمه‌نک دخی ختامی بالا فهم تکرار مذاکره اوطه‌سنه کیدلدی.

جهت جزائی حقنده دخی مذاکره کیفیت اولندقدہ مجرم ابراهیمک مرتکب اولدینی فعل و حرکت قانون جزانک یوز قرق دردنجی ماده‌سنه موافق و ماده مذکورده [هرکیم ممالک محروسه‌ده تداول ایتکده اولان مسکوکات نحاسیه تقلیداً سکه قطع ایدر و اومثللو قلب مسکوکاتک ممالک محروسه‌ده تداولته و یاخود بلاد اجنیه‌دن کلوب درون ممالک حضرت پادشاهی‌یه دخوله معین اولور ایسه موقتاً کورکه قوزیلور] عبارده‌سی ناطق اولدیندن اشبو ماده قانونیه حکمنه توفیقاً و بدایت توقیفی اولان اوچیوز اوتوز سنه‌سی شعبانک اون بشنجی کونندن اعتباراً اوچ سنه مدته کورکه قونلسنه و مصارف محاکمه اولان جمعاً یوز قرق غروشلکده کندوسندن بالتحصیل خزینیه تسلیم ایتدیرلسنه اوچیوز اوتوز بر سنه‌سی محرمک اون دردنجی کونه مصادف اوچیوز یکرمی سکر سنه‌سی کانون اولنک اون برنجی کونی کذلک و جاهاً و متفقاً قرار ویریلهرک محاکمه اوطه‌سنه عودتله جانب ریاستدن علناً متن قانونک قرائتله برابر امر تفهیمی اجرا و اصول محاکمه‌جه معین اولان معاملات سائر قانونیه تمامیه ایفا قلندی.

محکمه‌نیمیز جزا دایره‌سی مقراتی

محکمه‌نیمیز جزا دایره‌سندن صادر اولان ۷ شباط ۳۲۸ تاریخ‌ی و دت بیک سکر یوز بنسه آلتی نومرولی

اعلام صوریدر

« علی طریق القیاس تقدیر مجازاتدن حکام صورت مطلقه و قطعی‌ده ممنوعدر »

در سعادت جنایت محکمه‌سندن صادر اولان ۱۴ محرم ۳۳۱ و ۱۱ کانون اول ۳۲۸ تاریخ‌ی و یوز الی سکر نومرولی اعلام ایله اوراق متفرعه‌سی باش مدعی عمومیلک مأموریت علیه‌سندن ۸ ربیع الاول ۳۲۱



و ۲ شباط ۳۲۸ تاریخ و در تیک طقوز یوز اوتوز طقوز نومرولی تبلیغنامه ایله محکمه تمیز جزا دأر سینه اعطا قلمشدر .  
اعلام مذکور خلاصه مندرجاتی : قلب اچه سوردیکی ادعا قلمسندن دولای جنایتله اتهام اولنان قره کمر کده سلطان محله سنده چشمه زقاغنده مقیم ملاطیه لی ابراهیم بن عثمانک اجرا قلنان محاکمه علیه سی نتیجه سنده مته مرقومک تقلیداً قطع ایدلش اولان نیکلدن معمول غروشلق سکک نک تداولنه معاونت ایتک صورتیه قلب اچه سورجیکلی ایتدیک ثابت اولدیغندن مجرمیتته و خرکته توافق ایدن قانون جزانک یوز قرق دردنجی ماده سینه تطبیقاً اوچ سینه مدته کورکه قولسینه ۱۱ کانون اول ۳۲۸ تاریخنده حکم اولدیغندن عبارتدر .

سالف الذکر تبلیغنامه ده دخی مته وکیلک نیکل مسکوکات حقنده قانون جزاده صراحت اولمادیغنه استناداً در میان ایلدیک مدافعاته قارشو قانون جزاده علی الاطلاق قابزنلکه متعلق مواد حقنده احکام جزائییه وضع اولمسی دولت علیه ده تداولی نظاماً مقبول و مقرر اولان مسکوکاتک تقلیدینه مانع اولق حکمتنه و بونک آتون و کوش و نحاسه متدائر اوله رق تفریق اولمسیده افراد اهلینک دوچار اوله جقلمی مقدار ضرره نظراً جرم ایله جزا بیننده نسبت بولمق قاعده معدلتکاری سینه مستند اولوب متن قانونده تصریح اولمامسی عدم مسئولیتی مستلزم اوله میه جغندن بحثله مته ابراهیمک مجرمیتته و بالتیجه کورک جزاسیله محکومیتنه قرار ویراش ایسه ده علی طریق القیاس تقدیر مجازاتدن حکام صورت مطلقه و قطعیه ده ممنوع و هر نه شکل و تاویل ایله اولورسه اولسون صراحت قانونیه خارجنده محاکم طرفندن تجریم و تجزیه افراد بر فعل غیر مشروع بولدیغندن ایوم رسماً متداول نیکل مسکوکاتک تقلیدندن مملکت مزک حیات اقتصادی سنجه حصوله کله بیله جک مضرت حائر رتبه بداعت اولغله برابر شو حال قوه تشریعییه مختص بر وظیفه یی قوه عدلیه نک قبل و صلاحیت تطبیقیه سی حقوق تشریعییه تشمیل طریقیه دأر صلاحیتی تجاوز ایتسینه سبب اوله میه جغندن و چونکه عکس حال شکل حکومت و جسم دولته کوره سپهای حیات مثابه سنده بولنان قوای ثلثه آره سنده کی آنهک ارتباطی بوزاجغندن و بر قلب اچه سورجیسینک تجزیه سندن حقوق عمومیه ایچون حصولی مأمول فوائد اوغورنده الک مهم بر دستور عدلی یی اساسندن اخلاص ایتکدن ایسه قوه تشریعییه بوابده وضع احکام امرنده کی لزوم و احتیاجی احساس ایتدیرمک روح قانون ایله دهها زیاده توافق ایده جکندن بحثله اعلام مذکورک اسباب محرره بقاء نقضی طلب ایدلمشدر .

اوراق دعوانک مطالعه سندن صکره تدقیقات تمیزیه اجرا اولندقدن قانون جزاده آتون و کوش و نحاسدن ماعدا دولتیجه تداولنه قانون مخصوص ایله جواز ویریلان مسکوکات مغشوشه ایله نیکلدن معمول مسکوکاتی تقلیده و یا خود بونلرک ممالک عثمانیه ده تداولنه معاونته جزأت ایدلر حقنده جزا ترتیبینه دأر برکونه صراحت موجود اولمادیغنه و اصول محاکات جزائییه قانوننک ایکی یوز طقسان سکرنجی ماده سنده مته مکرک مرتکب

اولدیغنه دأر حکم اولنان فعلی قانون جزاده افعال ممنوعه دن اولمادیغی تقدیرده محکمه مته مکرک عدم مسئولیتنه حکم ایده جکی مبین بولمسنه واشبو قاعده قانون اساسینک اوتجی ماده سنده هیچ کیمسینه نک قانونک تعیین ایتدیک سبب و صورتدن ماعدا بزبانه ایله مجازات اوله میه جغه دأر اولان حقوق عمومیه تبغیه متفرع بولدیغنه مبنی تبلیغنامه ده بوجه محرر سرد اولنان اعتراضات بجا و نقض حکمی مستلزم بولنش اولدیغندن اصول محاکات جزائییه قانوننک اوچوز اون دردنجی ماده سینه توفیقاً اعلام مذکورک اسباب مسرووده دن دولای نقضه و احکام قانونیه دأر سنده ایقای معامله اولمق اوزره اوراقلک محله اعاده سینه و ایکی یوز غروش خرج اعلامک ایلروده حقسز چیه جق طرفدن تحصیلنه ۴ شباط ۳۲۸ تاریخنده متفقاً قرار ویرلدی .

محکمه تمیز جزا دأر سنده صادر اولانه ۸ مارت سنه ۳۲۸ تاریخ و ۵۹۷۸ نومرولی اعلام صوریتدر :  
" جبراً قاجیروب ازاله بکر "

قره سی سنجای بدایت محکمه سی جزا دأر سندن صادر اولان ۷ ربیع الاول ۳۳۰ و ۱۲ شباط ۳۲۷ تاریخ و الشمس الی نومرولی اعلام ایله اوراق متفرعه سی باش مدعی عمومیلک مأموریت علیه سندن ۲۲ ربیع الاول ۳۳۰ و ۲۷ شباط ۳۲۷ تاریخ و آلتی بیکن الی نومرولی تبلیغنامه ایله محکمه تمیز جزا دأر سینه اعطا قلمشدر .

اعلام مذکور خلاصه مندرجاتی : اوچوز یکرمی آلتی سنه سی تموزینک برنجی کونی مانیاس ناحیه سنک حاجی بوغون قریه سندن علی خواجه نک عم زاده سی حلیمه یی جبراً قالدیروب قاجیره رق بکرینی ازاله ایلدیک ادعا قلمسندن طولای جنایتله اتهام اولنان دیدن قریه سندن قوجه رمضان اوغلی مصطفی و مزبور نک قاجیرلمسی امرنده معاونتده بولمق و مرقوم علی خواجه یی جرح ایله تعطیل عضوینه سببیت ویرمک ماده لرندن ناشی دیگر بره ضبطه اتهامیه موجبنه کذلک جنایتله مته بولنان قالتاجی اوغلی عبدالله ایله جنحه درجه سنده لزوم محاکمه لینه قرار ویریلن بیت الله و قره احمد و سلیمان و عثمانک خفیاً اجرا قلنان محاکمه لری نتیجه سنده مرقوماندن مصطفی نک بوجه ادعا مزبور حلیمه یی قاجیره رق فعل شنیع اجراسیله بکارتی ازاله یه و عبداللهک دخی کندوسنه اسناد اولنان افعاله جرأتلری شهادت واقعه و تحصیل ایدن دلائل و امارات سائر ایله ثابت اولدیغندن مجرمیتلرینه و صورت حرکتلرینه کوره مصطفانک قانون جزانک یوز طقسان سکرنجی و ایکوزنجی و عبداللهک ده یوز یتش یدنجی ماده لرینه توفیقاً اوچر سینه مدته کورکه



قوللرینه و ضمان بکر اوله رق تقدیر اولنان اون لیرانک مرقوماندن مصطفادن اخذیله مغدوره حلیمه یه اعطاسنه و جنجه مظلونلرینک ده ثبوت فعللرینه مبنی قانون مذکورک ایکیوز آلتنجی ماده سی علاوه سنه تطبیقاً التیشر ماه حبسلرینه ۹ حزیران ۳۲۷ تاریخده حکم اولندیغندن عبارتدر .

سالف الذکر تبلیغنامه ده دخی صورت جریان محاکمه سیله قانونه جهت تطبیقی حقنده اعتراضه محل کوریه میان اعلام مذکورک تصدیقی طلب ایدلمشدر .

اوراق دعوانک مطالعه سندن صکره حکم جنائیدن دولایی تدقیقات تمیزیه اجرا اولندقدده کرچه تبلیغنامه ده بوجه محرر اعلام مذکورک تصدیقی طلب اولنیور ایسه ده حلیمه یی جبراً قاجیروب بکریخی ازاله ایتک ماده سندن طولایی متهم بولنان مصطفانک عندالحا که اون سکرز یاشنده اولدیغنی سولمش اولسنه کوره مرقومک حین ایقاع جرمدده سن مذکوری اکال ایتدیکی بالتحقیق تحقق ایلدیکی حالده جزای مخفی متضمن اولمق اعتباریله ماقبله شمولی درکار اولان قانون جزانک قرقجی ماده قائمه سنه تطبیقاً تعیین مجازاتی مقتضی اولدیغنه و تعطیل عضودن طولایی اخیراً جنایتله اتهام اولنان عبداللهک قاچ یاشنده اولدیغنی ضبط و اعلامه یازلامش اولدیغنی کبی مرقومک جنایتله اتهامندن صکره استجواب اولندیغنی متضمن ضبط ورقه سی دخی اوراق میاننده کوریه مامش و استنطاقنامه یه نظراً مرقومک اون یدی یاشنده بولندیغنی آکلاشلش اولدیغندن مرقومک سننک ده تحقیقیله بالاده بیان اولندیغنی وجهله ایفای معامله اولنمی لازم کلدیکنه بناءً و اصول محاکمات جزائییه قانوننک اوچیوز اون دردنجی ماده سنه توفیقاً متهمان مرقومان حقلرنده کی حکم جنائینک نقضنه و احکام قانونیه دائره سنده ایفای معامله اولنمق اوزره اوراقنک محله اعاده سنه و ایکیوز غروش خرج اعلامک ایلروده حقسز چیه جق طرفدن تحصیلنه ۲۹ شباط ۳۲۷ تاریخده متفقاً قرار ویرلدی .

محکمه تمیز جزا دائره سنده صادر اولده ۱۰ مارت سنه ۳۲۸ تاریخلی ر ۵۹۲۶ نومرولی اعلام صوریدر :

« فعل قتلک تعمداً ایقاعنه دلالت ایلان اسباب قانونیه کوسترلمکسزین فاعلک تجرمی غیر جائزدر »

سرفیجه سنجاغی بدایت محکمه سی جزا دائره سندن صادر اولان ۲۰ صفر سنه ۳۳۰ و ۲۶ کانون ثانی سنه ۳۲۷ تاریخلی و بش یوز سکسان اوچ نومرولی اعلام ایله اوراق متفرعه سی باش مدعی عمومیلک مأموریت علیه سندن ۲۸ ربیع الاول سنه ۳۳۰ و ۲۶ شباط سنه ۳۲۷ تاریخلی و آلتی بیک یکریمی نومرولی تبلیغنامه ایله محکمه تمیز جزا دائره سنه اعطا قلمشدر .

اعلام مذکورک خلاصه مآلی: اوچیوز یکریمی یدی سنه سی اغستوستک اون بشنجی کونی قیلارک فرانقوجه قریه سی جوارنده قوچانه لی سوطیررستوی جرح و قتل ایلدیکی ادعا قلمسندن طولایی جنایتله اتهام اولنان قریه مذکوره دن یکریمی درت یاشنده پتره یانینک اجرا قلنان محاکمه علیه سی نتیجه سنده متهم مرقومک بالتصور فعل قتل مذکوره مجاسرتی مع القسم استماع اولنان شهودک شهادتی و ضبط ورقه سی و طبیب راپوری مندرجاتی و دلائل سائر ایه ثابت اولدیغندن اولوجهله مجرمیتنه و حرکتنه توافق ایدن قانون جزانک یوز یتمشنجی ماده سنه توفیقاً اعدامنه ۲۵ کانون ثانی سنه ۱۳۲۷ تاریخده حکم اولندیغندن عبارتدر .

محکوم مرقوم طرفندن وریلوب میان اوراقده بولنان لایحه تمیزیه ده فعل قتل مذکوری مدافعه ایقاع ایلدیکنی اثنای محاکمه اقامه ایتدیکی شهود ایه اثبات ایتمش اولدیغنی حالده نظره آلمدیغندن و بو باده عن رؤیت شهادت موجود اولدیغندن و تدقیقات و تحقیقاتجه نواقص بولندیغندن بحثله اعلام مذکورک نقضی استدعا اولمشدر .

تدقیقات تمیزیه اجرا اولندقدده سالف الذکر تبلیغنامه ده دخی بیان اولندیغنی اوزره لایحه تمیزیه ده سرد اولنان اعتراضات غیروارد اولوب آنجق سوکیلیسی اولان ماریقه نام قیزی مقتولک کندی برادرینه نشانلامش اولمسندن مغبر و منفعل اولان متهم مرقومک بر قاچ دفعه لر سوکیلیسی کندیسندن آیرمامسی حقنده مقتوله خبر کوندره رک جواب رد آلمسی و یوم وقعه ده مقتولک ممری اولان یولده اوکنه کچهرک و کندیسنه مزبوره ماریقه نک نشانلامسی کیفیتندن و از کچمسی سولیه رک اولا رجا و بعده تهدیدی متضمن افادانده بولنمی اوزرینه مقتولک کال تهورله و از کچمیه جکنی سولیکله برابر اطاله لسان ایتمسندن ناشی فوران حدتله حامل بولندیغنی سلاحی مرقوم سوطیررستویه قارشی استعمال ایه جرح و قتل ایلدیکی حقنده متهم مرقومک اوراق تحقیقیه ده محرربولنان بیاناتی شهود مستمعنک محاکمه واقع اولان اخباراتیه تأید ایده رک فعل قتل مبحونک برمنوال محرر مقتول سوطیررستویله متهم پتره یانی آره سنده مزبوره ماریقه نک نشانلامسندن متولد منازعه لسانیه دن تحصیل ایدن تهور نتیجه سی اولسنه کوره مجرمیت قرارنامه سنده اعلامک تدقیقات و محاکمات قسمنده مندرج تمهیدات آنفه نظره آلمقسزین و فعلک تعمداً ایقاعنه دلالت ایلان اسباب قانونیه کوسترلمکسزین مرقوم پتره یانینک قاتل متعمد اولمق اوزره تجریم و تعیین مجازاتنده اصابت قانونیه کوریه مامش اولغله اعلام مذکورک اصول محاکمات جزائییه قانوننک اوچیوز اون دردنجی ماده سی حکمنه توفیقاً بر موجب طلب نقضنه و احکام قانونیه دائره سنده ایفای معامله اولنمق اوزره اوراقنک محله اعاده سنه و ایکیوز غروش خرج جنک ایلروده حقسز چیه جق طرفدن تحصیلنه ۴ مارت سنه ۳۲۸ تاریخده متفقاً قرار ویرلدی .



محكمة تمييز جزا دائره سنده صادر اولاده ۱۲ مارت ۳۲۸ تاريخي و ۶۱۱۵ نومرولى اعلام صورتيه :

« اشخاص مجهوله نك قانونك مقصدي دائره سنده قطاع طريق اولوب اولدقلى و ياخود بونلك حر كتلى معامله شديده اجرا سيله خسر لقتن عبارت بولنوب بولمدينى تحقيق و اصل سارق حقنده قانوناً نه جزا حكم اولمسي لازم كله چكي تعيين اوله رق بعده ديكر متهملر حقنده اعطاي حكم اولمسي لزومه دائر »

كغرى سنجاني بدايت محكمه سى جزا دائره سندن صادر اولان ايكي قطعه اعلام ايله متفرعاتي باش مدعي عموميك مأموريت عليه سنك ۲۴ ربيع الاول ۳۳۰ و ۲۹ شباط ۳۲۷ تاريخي والى بيك يوز سكران طقوز نومرولى تبليغنامه سيله محكمه تمييز جزا دائره سنده اعطا قلمشدر :

اعلامات مذكوره دن ۸ ربيع الاول ۳۳۰ و ۱۳ شباط ۳۲۷ تاريخي و اوچ نومرولى اعلامك خلاصه مالى و اوچ يوز يكرى درت سنه سى تشرين اولنك اون ايكنجي كوني سكودلى قريه سندن كوسه على اوغلى ابراهيم ايله رفقاسنك اناي راهده اوكلرينه چيقه رق ضرب و تهديد ايله پاره واشيالريني اخذ و غصب ايدن ايكي شخص مجهوله يتاقلق ايتدكلرى ادعا قلمشندن طولاني جنايتله اتهام اولنان كرد قريه سندن عرب اوغلى على و سرت على اوغلى عثمان و شكرجي اوغلى احمد و فرارى كورجي اوغلى درويشك و جاهاً و غياباً اجرا قلنان محاكمه عليه لرى نتيجه سنده متهمون مرقوموندىن عيلدن ماغدا سنك بروجه محرر يتاقلق فعلنه مجاسرتلى شهادات واقعه و دلائل و امارات سائر ايله ثابت اولديغندن اولوجهله مجرميتلرينه و حر كتلىرينه توافق ايدن قانون جزانك التمس اوچنجى ماده سنك ذيلنه توفيقاً اوچر سنه مدته كور كه قوللرينه و اشياى مغصوبه بدليه معلوم المقدار نقودك محكوملردن تحصيليله مدعيه اعطاسنه و عيلنك برائته ۷ مارت ۳۲۷ تاريخنده حكم اولنديغنى محتويد

۸ ربيع الاول ۳۳۰ و ۱۳ شباط ۳۲۷ تاريخي و بش بوز التمس نومرولى ديكر اعلامك خلاصه مندرجاتى دخى اشخاص مجهوله يتاقلق ايتديكى ادعاسيله جنايتله متهم و غياباً محكوم بولنان كورجي اوغلى درويشك اخيراً در دست ايدلسى اوزرينه و جاهاً جريان ايدن محاكمه عليه نتيجه سنده ثبوت فعلنه بناء التمس اوچنجى ماده قانونيه ذيلي موجبجه اوچر سنه مدته كور كه قوللسنه و مغصوب اشيا بدليه نقودك رفقاى محكوم سيله برابر كينديسندن ضماناً تحصيله ۲۷ تشرين اول ۳۲۷ تاريخنده حكم اولنديغنى متضمندر

تبليغنامه مفادى دخى حقنده اعتراضه محل كوريله مين اعلامات مذكوره نك تصديقي طلبى شاملدر اوراق دعوى بعد المطالعه حكم جانيدين طولاني تدقيقات تمييزيه اجرا اولندوقده كچه تبليغنامه ده مذكور اعلاملرك تصديقي طلب اولنقده ايسه ده مرقومون احمد و عثمان و درويشك حر كتلى هويتلرى مجهول اشخاصه يتاقلق يعنى فرعاً ذيمدخل اولقندن عبارت اولوب اشخاص مجهوله نك قانونك مقصدي

دائره سنده قطاع طريق اولوب اولدقلى و ياخود بونلك حر كتلى معامله شديده اجرا سيله خسر لقتن عبارت بولنوب بولمدينى تحقيق و اصل سارق حقنده قانوناً نه جزا حكم اولمسي لازم كله چكي تعيين اوله رق بعده اشبو متهملر حقنده قانون جزانك قرق بشنجى ماده قائمه سيمي يوقسه اسكى ماده مى مخفف جزادر بورالرى نظره آله رق اكاه كوره حكم اعطاسى مقتضى ايكن ذهول ايدلسى مغاير قانون و مستلزم نقض اولديغندن اصول محاكمات جزائيه قانونك اوچ يوز اون دردنچى ماده سنده توفيقاً هر ايكي اعلامك نقضيه احكام قانونيه دائره سنده ايفاي معامله اولنق اوزره اوراقلك محله اعاده سنه وايكي يوز غروش اعلام خرجنك ايلروده حقمنز چيقه جق طرفدن تحصيله ۴ مارت ۳۲۸ تاريخنده متفقاً قرار و يرلدى

محكمة تمييز جزا دائره سنده

محكمة تمييز استماعه دائره سنده صادر اولاده ۳۰ ايلول سنه ۳۲۸ تاريخي و ۱۸۳۵ نومرولى

اعلام صورتيه :

« حيواناتك طوغريدن طوغرى به مزروعه صاليورلش اولديغنى قصد تخريبه مستند اولوب اولديغنى بالتدقيق تعيينى مقتضى در »

پتريج قضاسى بدايت محكمه سى جزا دائره سندن تنظيم و اعطا ۱۱ نيسان سنه ۳۲۸ تاريخنده امر تهيمى اجرا قلنان ۱۳ نيسان سنه ۳۲۸ تاريخ و يدى نومرولى اعلامك تمييزاً تدقيقى طلبى حاوى محكمه مذكوره مدعي عمومى معاونلكى جانبندن معطى استدعانا ايله اوراق متفرعه سى باش مدعي عموميك مأموريت بيه سندن با تبليغنامه محكمه تمييز استدعا دائره سنده توديع اولنغله و لدى التدقيق مذكور استدعانا نك مدت معينه قانونيه سى ظرفنده اعطا قلندينى آ كلاشلمقله بالقبول تدقيقات تمييزيه اجراسنه ابتدار ايدلدى .

اعلام مذكور خلاصه مالى باپاس ماناسين افنديك حظه مزروع ترلاسنه حيوان صاليورده رك ايراث خسار ايتدكلرى ادعاسيله مظنون عليهما اولان ابراهيم ايله قوطان حسينك اجرا قلنان محاكمه لرى نتيجه سنده مظنون مرقومانك مشتكى مومى اليك حظه مزروع ترلاسنه حيوانلرينى قصداً صوقدقلى آ كلاشيله مامش ايسه ده قيدسز قللى نتيجه سى اوله رق ايراث خساره سببيت ويردكلرى شهود مستمع نك شهادتيله ثابت اولديغندن بحاله جزا قانوننامه هايونك ايكوز الى دردنچى ماده سنك صوك فقره سى حكمه توفيقاً كندولردن ايكيشر بشلك جزاى نقدى اخذينه و مقدار ضرر و زيان آ كلاشيله ماديغندن مدعينك بو بابده صلح محكمه سنده مراجعتده مختار يته قرار و يرلديكنى متضمندر .



لایحه تمیزیه مضمون ابراهیم و حسینک فعل مذکور مجاسرتلرینه دار برکونا اخبارات و دلائل و امارات موجود اولمادیکی کبی حقلرنده قانون جزانک اکیوزاللی دردنجی ماده سنه توفیقاً قرار اتحادنده ده اصابت کوریه مامش اولدیغندن و حقوق شخصیه جهنک صلح محکمه سنه حواله قلمش اولسی مخالف قانون اولدیغندن بمثلله اعلام مذکورک نقضی طلب ایدلیدیکی کبی تبلیغنامه ده دخی لایحه تمیزیه ده سرد اولسان اعتراضاتک وارد و بحا کورندیکی بیانیه ذکر اولنان اعلامک نقضی لزومی کوسترلمشدر .

ایجابی لدی المذاکره مندرجات اعلامه نظراً ابراهیم ایله حسینیه اسناد اولنان ایراث خسار جرمک محکمه محلیه جه مرتبه ثبوتده کورلدیکی وشو حرکتک قصد تخریبه مبتنی ایدوکی آ کلاشلدیغنی حالده جزا قانوننامه سنک اکیوز اللی اوچنجی و تخریب قصدینک عدم موجودیتده کورده ده قانون مزبورک اکیوز التمش برنجی ماده لرینه توفیق حکم اولنق و ضرر و زیان جهتی دخی بالتدقیق قراره ربط ایدلک اقتضا ایدر ایکن محکمه مذکورجه مرقومانک شو خصوصده قابل تطبیق اولمیان اکیوز اللی دردنجی ماده قانونیه استناداً تحدید جزالری جهتنه کیدلش و طلب اولسان ضرر و زیاندن طولاییده مشتکینک صلح محکمه سنه مراجعتی لزومی کوسترلمش و برده محاکمه احوال مماثلده سالف البیان اکیوز اللی اوچنجی و اکیوز التمش برنجی ماده لری سیاق مندرجاتندن استنباط اولندیغنی اوزره فعل واقعک بروجه محرر تخریب مقصدینه مبتنی اولوب اولدیغنک و یا خود بویه بر قصده مقارن اولمقسزین حیواناتک طوغریدن طوغریه مزروعاته صالیورلش اولدیغنک بالتدقیق تعیینی مقتضی اولدیغنی حالده دعوای حاضره نک شووجهله امر تحقیقاتنک ایفا قلمامش اولسی یولسر و مستلزم نقض احوالدن اولوب لایحه تمیزیه محتویاتی وارد کورونمش ایدوکنندن اصول محاکات جزائیه قانوننک اوچوز اون دردنجی و اوچوز اون طقوزنجی ماده لری منظوقنجه اولباده کی اعلامک اسباب محرره دن ناشی نقضیه احکام قانونیه دائره سنده ایفای معامله اولنق اوزره اوراق دعوانک محله اعاده سنه و اکیوز غروش اعلام خرجنک تعرفه و تعلیمات مخصوصه سی حکمنه توفیقاً ایلروده حقسز حقیقه جق طرفدن اخذ واستیفاسنه ۷ اغستوس سنه ۳۲۸ تاریخنده متفقاً قرار ویرلدی .

محکمه تمیز استعدا دائره سنده صادر اولده ۱ شمربیه اول سنه ۳۲۸ تاریخلی ر ۱۸۷۲ نومرولی

اعلام صوریندر

« مسئله مستأخره »

ادرنه ولایتی مرکز بدایت محکمه سی جزا دائره سنندن استینافاً تنظیم واعطا و ۴ نیسان سنه ۳۲۸ تاریخنده

امر تفهیمی اجرا قلنان ۱۴ حزیران سنه ۳۲۸ تاریخ و ۱۵ نومرولی اعلامک تمیزاً تدقیق طلبنی حاوی اوستویو اوغلی طنش جانندن معطی استعدانامه و اوراق متفرعه سی باش مدعی عمومیلک مأموریت بهیه سندن باتبلیغنامه محکمه تمیز استعدا دائره سنه تودیع اولنش ولدی التدقیق مذکور استعدانامه نک مدت معینه قانونیه سی ظرفنده اعطا و شرائط لازمه سائرهنک دخی ایفا ایدلیدیکی آ کلاشلش ایدوکنندن بالقبول تدقیقات تمیزیه اجراسنه ابتدار ایدلدی .

اعلام مذکورک خلاصه مالی دده اغاج سنجاغی مدعی عمومی معاونی مصطفی رشدی بکک متصرف اولدیغنی ترلاسنه خود بخود مداخله و تجاوز ایدلکاری ادعا اولنان مستدعی طنش ایله پدری اوستونک تمید جزالینه دائر بدایه لاحق اولان حکمک طرفین جانندن استیناف اولنسی اوزرینه نقصان تدقیقاتدن ناشی فسخیله اولباده اجرا قلنان محاکمه و تدقیقات استینافیه نتیجه سنده مرقوم طنشک مدار احتجاج اتحاد ایتدیکی سند پدری اوستویو نامنه محرر و اوچوز اوچ تاریخلی اولوب مرقوم اوستویو ایله مدعی مومی الیه رشدی بکک پدری شمس افندی بیننده مذکور ترلا حقنده اوچوز اوچ تاریخنده حقوق محکمه سننده جریان ایدن محاکمه مرقوم اوستویونک منع مداخله سنه قرار ویریلرک بوبابده کی اعلامک بالتبلیغ اکتساب قطعیت حکمی اجرا قلندیغنی آ کلاشلش و احوال مذکوریه نظراً مرقوم طنش ایله وکیلی جانندن اعلام مذکور حقنده درمیان ایدیلان مرور زمان ادعاسی شایان التفات کوریه مامش ایدوکنندن ردیه مرقوم طنشک حرکت متبینه سندن طولای قانون جزانک ایکی یوز اللی ایکنجی ماده و ذیلی مقامنه قائم اولان ماده قانونیه حکمنه توفیقاً بر آی حبسنه و مدعی مومی الیه ک حقوق شخصیه سندن دولای حقوق محکمه سنه مراجعتده مختار اولدیغنه قرار ویرلدیکی متضمندر .

لایحه تمیزیه مذکور ترلا قدیمدنبرو تحت تصرفلرنده اولوب حق قراردن کندولرینه سند ویرلدیکی و مدعی مومی الیه ک پدرینک تغلباً اخذ ایدلیدیکی اعلامک مرور زمانله حکمی ساقط اولش اولدیغنی کبی دعوای واقعنک تصرفه تعلقندن ناشی رؤیت و تدقیق حقوق محکمه سنه عائد و حقوق محکمه سنجه حلنه دکن مهل مناسب اعطاسی مقتضی بولنش ایکن محکومیتی جهتنه کیدلسی مغایر قانون ایدوکنندن بمثلله اعلام استینافینک نقضی استعدا اولنش و تبلیغنامه ده دخی مذکور تمیز لایحه سننده درمیان ایدیلان اعتراضاتک اعلام تمیزیه مندرجاتنه نظراً غیر وارد ایدوکی بیانیه ردی لزومی کوسترلمشدر .

ایجابی لدی المذاکره محکمه استینافیه جه مستدعی تمیز طنشک مدعی شخصی رشدی بکک عهده تصرفنده بولنان ترلایه وقوعبولان مداخله سندن دولای تحدید جزاسنه دائر بدایه صادر اولان حکمک اسباب قانونیه دن طولای فسخی متعاقب جریان ایدن محاکمه نتیجه سننده مستدعی مرقومک پدری نامنه اولوب مدار احتجاج اتحاد ایدلیدیکی اوچوز اوچ تاریخلی تصرف سندی و مدعی مومی الیه جانندن تمسک و استناد



ایدیلان دیگر سند رسمی ایله حقوق محکمه سندن معطی اعلامک عیناً و یا خلاصهً اولیاده کی اعلام استینافییه درجی و سندات مذکورہ نک نہ یولده استحصال اولمش یعنی حق قرار و یا یوقلمہ و یا خود انتقال و تفرغ صورتلرندن قنغینسہ مستنداً ویرلمشدر وقتی تاریخ ایله مورخدر بورالینک تعیین و تصریحی مقتضی اولوب چونکہ طرفینک ادعا و مدافعات واقعہ سنہ نظراً مزبور طناشک استناد ایلدیکی سندک ذکر اولنان حقوق اعلامک تاریخ تنظیم و اعطاسندن مؤخر اولدینی منہم اولسیلہ سند مذکورک ابطال حکمی امرندہ حائر تأثیر اولہ میہ جفی نقطہ سندن ایشک تکرار مرجعہ اولاً حل و فصلہ محتاج مسئلہ مستأخرہ تشکیل ایدہ جکی کبی مقدم تاریخلی اولسنہ کورده اعلام مذکورده بونک ابطال حکمنہ دائر بر فقرہ نک عدم موجودیتی تقدیرندہ محاکم جزائیہ نک بویولده اتخاذ قرارہ صلاحیت معینہ سی نامساعد اولسندن ناشی کیفیتک ینہ مسئلہ مستأخرہ شکلندہ محکمہ حقوقہ سوقی مقتضی اولہ رق بناءً علی ذلک بورالینک تدقیق و تجریسی لازم کیش ایکن عندالاستیناف صور محرره دائرہ سندنہ تدقیقات اجرا و تفصیلات و ایضاحات اعطا اولنقسزین مرقوم طناش جانبندن تمسک ایدیلان سند مباحوث عنہک اعلام مذکورہ حکمسز قالدیغندن بحثلہ و تجاوز وظیفہ صورتیلہ درمیان اولنان اسباب موجبہ بناءً تحدید جزا جہتنہ کیدلمسی یولسز و مستلزم نقض احوالندن اولوب لایحہ تمیزیه محتویاتی شوطریق ایله وارد و بجا کورنمش ایدوکنندن اصول محاکمات جزائیہ قانوننک اوچیوز اون دردنچی و اوچیوز اون طقوزنجی مادہ لری منطوقجہ اعلام استینافنک مزبور طناشہ عائد اولان فقرہ حکمیہ سنک اسباب محرره دن ناشی تفضیلہ احکام قانونیہ دائرہ سندنہ ایفای معاملہ اولنق اوزرہ اوراق متعلقہ سنک محکمہ مذکورہ یہ اعادہ سنہ و ایکی یوز غروش اعلام خرجنک تعرفہ و تعلیمات مخصوصہ سنہ توفیقاً ایلرودہ حقسز حیقہ جق طرفدن استیفاسنہ ۱۶ اغستوس سنہ ۳۲۸ تاریخندہ متفقاً قرار ویرلدی .

حکمہ تمیز استعدا دائرہ سندنہ صادر اولده ۷ شربین اول سنہ ۳۲۸ تاریخلی ۱۶۷۴ نومرولی اعلام صورتمیر:

« میری اورمانندن قطعیات حقندہ »

قسطمونی ولایتی استیناف محکمہ سی جزا دائرہ سندن تنظیم و اعطا و ۱ مایس سنہ ۳۲۸ تاریخندہ امر تفهیمی اجرا قلنان ۲۶ مایس سنہ ۳۲۸ تاریخ و یوز آلتش درت نومرولی اعلامک تمیزاً تدقیق طلبی حاوی محلی اورمان اداره سی جانبندن معطی استدعاناہ ایله اوراق متفرعہ سی باش مدعی عمومیک مأموریت بیہ سندن باتبلیغنامہ محکمہ تمیز استعدا دائرہ سنہ تودیع قلمش ولدی التدقیق مذکور استدعاناہ نک مدت معینہ قانونیہ سی ظرفندہ ویرلدیکی اکلاشلمش ایدوکنندن بالقبول تدقیقات تمیزیه اجرانہ ابتدار اولندی .

اعلام مذکورک خلاصهً مالی میری اورمانسندن بلا رخصت اشجار قطع ایتدکری ادعا اولنان یونس و محمد ایله احمد و دیگر احمد و عمرک فعل مذکورہ جرأتلری حقندہ تأمین وجدان ایدہ جک درجہ دہ دلائل و اخباراتہ تصادق اولنہ مادیغندن بحثلہ برائیلرینہ دائرہ بدایہ لاحق اولان حکمک اورمان اداره سی جانبندن استیناف ایدلمسیلہ ولدی التدقیق بونلردن عمر و محمدک وقوع و فائزینہ مبنی حقلرندہ کی حقوق عمومیہ دعواسنک سقوطی و یونس ایله احمدک تضمینات و جزای نقدی ایله محکومیتلرینی متضمن اعلام غیابی استینافی علیہ مظنون مرقومان جانبندن معطی اعتراض علی الحکم استدعاناہ سی اوزرینہ سبق ایدن محاکمہ استینافیہ نتیجہ سندنہ مبرز ضبط ورقہ سی مندرجاتی اداره مذکورہ نک تعلیل ایلسنہ و اعتراضات سائرده تقدیرہ عائد بولسنہ مبنی ردیلہ موافق اصول و قانون ایدوکنندن بحثلہ اعلام ابتدائینک تصدیقہ قرار ویرلدیکی متضمندر .

تمیز استدعاناہ سندنہ مبرز ضبط ورقہ سی زیرندہ اسامیسی محرر شہودک اخباراتی ورقہ مذکورہ مندرجاتی مؤید بولندینی حالده محکمہ مذکورہ جہ بورالری نظر اعتبارہ آلمیہ رق مظنون مرقومان حقلرندہ کی برائت قرارینک عندالاستیناف تصدیق ایدلمش اولسی یولسز و مخالف قانون ایدوکنندن بحثلہ اعلام استینافینک قضی استعدا ایدلدیکی کبی تبلیغنامہ دہ دخی قرار استینافینک مستند بولندینی اسباب موجبہ بناءً اعتراضات مسرودہ نک غیروارد بولندینی بیانیہ ردی لزومی کوسترلمشدر .

ایجابی لدی المذا کرہ درجہ اولی محکمہ سنجه جلب و استماع اولنان شاهد عبدالرحمن اوغلی مصطفی و علی اوغلی دیگر مصطفی طرفلرندن مظنون یونس ایله احمدک فعل قطعیاہ جرأتلری اخبار اولنوب شاهدان مرقومانک شو اخباراتی بیتندہ بر کونا مبانیت موجود اولمادینی حالده محکمہ مذکورہ جہ مظنونلرک برائتہ دائر ویرلین قرارک اسباب موجبہ سی صرہ سندنہ اخبارات واقعہ نک یکدیگرہ مخالفتندن بحث ایدلمش و میری اورمانندن قطعیات اجرایی نظامنامہ مخصوص ایجابجہ مر حالده استحصال رخصتہ متوقف ایکن محل قطعیاہک جانب میریہ عائدیتی فرضیہ سنہ کورہ احتیاجات ایچون وقوع بولان قطعیاہک رخصتہ تابع اولمادیغنک ضعف تقدیر نتیجہ سی اولہ رق جملہ اسباب برائتدن عد و اعتبار اولنسی و مظنونلردن مزبور یونس محل مذکورک قریہ لرینہ مخصوص بالطہلق ایدوکنی و بوندن دولایی شیخلر قریہ سی اہالیسیلہ بدایت حقوق محکمہ سندنہ دعوالری سبق ایتدیکی مدافعہ درمیان ایدوب محکمہ مذکورہ دن آلنان استعلام جوابندہ ایسہ شو مادہ حقندہ معاملہ سبق ایتدیکی کوسترلمش و بو بابدہ دیگر وثیقہ رسمیہ ابراز ایدیلہ مہمش اولسنہ کورہ مسئلہ مستأخرہ تشکیل ایدن مدافعات مذکورہ دن دولایی مظنونلرک مرجعہ سوقی اقتضا ایدرکن ایشک شو صورتلہ نتیجہ لندرلمش اولسی کبی احوال و کیفیات سالف الذکر قرار ابتدائینک فسختی مستلزم اولدینی حالده محکمہ استینافیہ جہ بورالری نظر دقتہ التمسزین و اورمان اداره سی وکیلنک اعتراضات استینافیہ سنک ردی امرندہ اجوبہ صریحہ ارأہ اولمادقندن بشقہ درجہ ثانیہ دہ حکمہ مأذون اولان محاکم استینافیہ نک



وظائف اصلیه سیله قابل تألیف اولیه جق صورتده اعتراضات مذکورہ نك محكمه بدایت هیئت حاكمه سنك تقدیراته تعرضدن عبارت ایدوکی بیانیله درجه ثانیه ده تدقیقات لازمه سی اجرا قلمقسنزین قرار ابتدائی مذکورك تصدیق اولمسی یولسز و مغایر قانون اولوب تمیز استدعایه سی محتویاتی بو طریقله وارد و بجا کورلش ایدوکندن اصول محاکمات جزائیہ قانونك اوچوز اون دردنجی و اوچوز اون طقوزنجی ماده لری موجبجه اعلام استینافینك اسباب محرره دن ناشی مظنونلره عائد اولان فقره حکمیہ سنك تفضیله احکام قانونیه دائرہ سنده ایفای معامله اولمق اوزره اوراق متعلقه سنك محكمه مذکوریه اعاده سنه و ایکی یوز غروش اعلام خرجك تعرفه و تعلیمات مخصوصه سنه توفیقاً ایلروده حقسز حقیقه جق طرفدن استیفاسنه ۹ اغستوس سنه ۳۲۸ تاریخده متفقاً قرار ویرلدی .



## قِسْمِ سَبْعِیْنِ

### تشبث جرمه دأر

برفعل منهنك ابتدا کی تصویریه قطعياً و تماماً اجراسی بیننده كرك داخلی و كرك خارجی اوله رق ایجه اوزون برسلسله حرکات وارد که فعلك تماماً اجراسی اوسلسله نك صوك حلقه سنی تشکیل ایدر . ایدمی تصورات و استحضارات و مقدمات اجرائیه دن عبارت اوله رق انهنایت فعل منهنك میدان کلمسه مجری اولان بو اوزون سلسله داخلنده فاعلك ثبات و تردینه کوره اخلاق نقطه نظرندن مذموم و نامتناهی برطاقم درجات کورولور که بودرجات اخلاقه مغایرت اعتباریه لك حقیقی اولمغه برابر اکثریا واضع قانون انلری اولجه کشف و تعیین و فاعلرینه جزا ترتیب ایدمیز زیرا برفعل ممنوعك ابتدا کی تصورندن اك صوکره کی اجراسنه قدر امتداد ایدن بو اوزون سلسله نك هر حلقه سنی عدالته مغایر برفعل اختیارینه مجبور اولمقسنزین تقریق و هر بر حرکتك درجه سنه کوره جزا تعیین ایتك يك مشکل اوله جنی بدیهیدر . لکن واضع قانون مساوی اخلاقك کافه درجاتیه متناسب جزا تعیین ایدمه مملکه برابر بو اوزون سلسله میاننده حقیقه جزا اندیرماسی قابل اوله بیله جك بر درجه تعیین ایدمه مزمی ؟ ناصل که بلا اختیار ایقاع اولنان برفعله جرم نظریه باقیمیور ایسه فعلك ایقاعیه مترافق اولیان اختیاره جرم نظریه باقیمق ممکن اوله مازمی ؟ بوسؤاللره جواب ویره بیلیمك ایچون ایشك یرچوق نقطه لرینی و بوبابده کی قواعد نظریه نك ندن عبارت ایدوکنی و معدل قانون جزاده مسئله نك نه صورتله حل اولندیغنی تحری و تدقیق ایتك اقتضا ایدر .

اولا شوراسنی سویلیه یم که جرم بر تصور حالنده قالدقچه اکا وجود و یروب جزا ترتیب ایتك محالدر . حالبوکه ایش یالکیز تصورده قالمیوب فاعل تردد و خوف و خشیت و اخلاقه و قواعد انسانیته مغایر حرکت ایتماک ملاحظاته عائد اولان دوره دن قرار قطعی دورده سنه یکمیش یعنی فعلی ایقاع ایتکلکی ذهننده قطعياً قرارلشدرمش و فقط هنوز اجرایه باشلامامش اولدینی تقدیرده انك اشبو حرکتی دخی مستلزم جزا دکلدر چونکه جزانك مبنی علیهی ایکی قضیه دن عبارت اولوب بری عدالت مطلقه نك اجراسی دیگرهی هیئت اجتماعیه نك دوچار اوله جنی تهلمکه نك ازاله سیدر . برکمنه افعال جرمیه دن برینك اجراسنه قطعياً قرار ویردیکی تقدیرده بویه بر حرکتك اخلاقه مغایرتی و حقنده عدالت مطلقه لوازمك اجراسنی عقل بالبداهه ادراک ایدر فقط دیگر طرفدن بوبابده هیئت اجتماعیه نك دوچار اوله جنی تهلمکه يك اهمیتسز



بردرجده قالیر فی الحقیقه بر جرم ایقاعی حقنده ویریلان قرار یالکز فاعلک تصورنده قالدجه ویاخود فاعل اشبو قرارینی موقع اجرایه وضع ایتک مقصدینه مبنی اولمایه رق شوکا بوکا صورت محرمانده افشا ایتدیکی تقدیرده اسایش جمعیت اصلا مختل اولماز ویاخود پک اهمیتسز بر صورتده مختل اولور . اکر بومثلواحوالک قانوناً تعقیبی لازم کیش اولسه انی اثبات ایچون بر طاقم فرضیاتو وجود و بر مک وعادته برانکی ریسون تشکیل ایتک اقتضا ایدرکه بوندن مجازاتک تأمین ایدمچکی اسایشدن دها زیاده حائر اهمیت بمض تهلکهلر ظهوری ماحوظدر بناء علیه ایقاع جرم قراری نه قدر مکمل ونه قدر قطعی اولور ایسه اولسون بالمله دول متمنده جزا قانونلرنده مستلزم جزا احوالدن معدود دکلدر . کرچه قانون جزانک الی سکزنجی ماده سنک فقره اخیره سنده ( واکر اوله بر اتفاق خفیده بروجو محرر فسادک افعال اجرائیه سنی تهیه ضمننده تشبث اولمش بر فعل وتدبیر تبیین ایتیموب یالکز اجرائی سویله شیلرک قرار ویرمکدن عبارت بولنور ایسه اولخالده داخل اتفاق بولنان کمسنلر موقتاً قلمه بند قانور واکر بیان اولنان جنایتلردن برینی اجرا ایتک اوزره بر اتفاق خفی تشکیلنه دائر تکلیف وقوع بولوبده قبول اولنماش ایسه اوتکلیفی ایدن کمسنه بر سنه دن اوچ سنه قدر حبس اولنور ) دینلیور ایسه ده فقره مذکورده بیان اولنان ایقاع جرم قراری یالکز بر شخصک نفسنده واقع اولمش بر قراردن عبارت اولیموب بونده متعدد اشخاصک مواد متقدمه ده بحث اولنان جرمی ایقاع ایتک اوزره اتخاذ ایتمش اولدقلری قراره ویاخود اوقیلدن بر جرمک ایقاعی قرارلشدر دقدن صوکره انک بر لکده ارتکابی تکلیفنه متدائر اولغله موضوع بحث ایدیلان قراردن بشقه برشیدر فقط بورایه قدر تعریف ایتمش اولدیغمنز صورتده کی ایقاع جرم قراریلر جرمک حقیقه ایقاعی اراسنده تمامیه دیکر لرلرندن تفریقی ممکن بر نقطه متوسطه واردرکه واضع قانون انی کمال سهولته تعیین و بناء علیه اونقطه ایچون جزا ترتیب ایده بیلیر اوده بر فاعلک ایقاعنه تشبث نقطه سیدر . معدل قانون جزانک قرق التنجی ماده سنده بحث اولنان جرایم بو قبیلندرن . تشبث جرم ماده مذکورده بیان اولنان شرائطی جامع اولدیغی تقدیرده علی الاکثر مستلزم جزادر لکن تشبث کله سنک احتوا ایتدیکی معانی تعیین ایچون یوقاریدن بری ایضاح ایتدیکمز ایقاع جرم قراری ایله ماده مذکورده بیان اولنان تشبث جرم بیننده واقع دیکر بر نقطه متوسطه عطف نظراهمیت ایتکمکمز لازم کلیر . بر طاقم افعال خارجیه ومادیه ومرئیه دن تشکیل ایتکده اولان بونقطه متوسطه استحضارانندن یعنی هنوز جرمک اجراسنه باشلامازدن اول اوزاقدن اوزاغه انک ایقاعی تسهیل وتهیه ایدن بعض تدابیردن عبارتدر . ایقاع جرم قرارندن صوکره وجرمه تشبث وجرمک اجراسندن اول وقوعبولان استحضاراتک مستلزم جزا اولسی اقتضا ایدوب ایتیه چکی حکمت نظریه اربابی عنندنه اوزون اوزادییه مناقشه یی موجب اولمش مسائلدن اولوب ایقاع جرم قرارینک مستلزم جزا اولان اوصافی حقنده سرد اولنه جق مطالعات وقرار مذکوردن طولای جزا تمینی لزومنه دائر ایراد اولنه جق دلائل تدابیر استحضاریه خصوصنده دها زیاده مؤثر ودها زیاده بدیهی بر صورتده وارد اوله بیلیر . اکر ایقاع جرم قراری حد ذاتنده مغایر

اخلاق ایسه جرمک اجراسنی تسهیل وتمامله وجود پذیر اولسنی استحضار ایدن حرکاتک مغایر اخلاق اولان اوصافی مع زیاده جامع اولدیغی موجب تردد اولماز کی کورینور . شمدی افعال اعدادیه ویا استحضاریه نهدن عبارت اولدیغی تعریف وواضع قانونک افعال مذکورده نک ایقاعندن طولای جزا ترتیبه صلاحیتی اولوب اولدیغی وقانون جزای عثمانیده بومثلوا حرکاتک مستلزم جزا اولوب اولدیغی تدقیق ایدم :

بر کمسنه نردبان و سلاح ویاخود اسقاریله تدارک و بر اناختاری تقلید ایتمش اولسه بونلر بر سرقتک معاملات اعدادیه سنندن اولدیغنه شبهه ایدیه منر ایسه ده بوکا ارتکاب سرقت ویاخود سرقت تشبث نظریله باقیله ماز . کذلک بر کمسنه بر رچته یی تحریف ویا بر طبیعتک امضاسنی تقلید ایدرک اجزاجیدن بر مقدار مواد سمیه اشترا ایدوب اخر کمسنه یه ایچیرمک اوزره بعض مشروباته قاریشیدیرمش اولسه انک شو معامله سی تسمیم فعلی تهیه دن عبارت اوله رق تسمیمه تشبث دکلدر . سلاح اشترا و بیاننامه لر ترتیب ایتک بر حرکت عصیانیه استحضار ایتمکدن عبارت اوله بیایر ایسه ده شرکای تهمتک یدلرینه سلاحلر توزیع اولندجه عصیان جرمک مقدماتی ظهوره کیش صایلماز . نته کیم بر تفتکی طولیدر دقدن صکره طریق عام اوزرنده بوصو قورمق بر قتل جرمک اسباب استحضاریه سنندن اولوب قتله تشبث دکلدر . ایشته شوفرض ایتدیکمز احوال وبونک امثالی اولان حرکات قرق التنجی ماده نک خارجنده قالیر زیراً ماده مذکورده بر کمسنه بر جنایت ایقاعی تصمیم ایدوب ده وسائط مخصوصه ایله اجراسنه بدأ ایدر ایسه دهرک انجق یر فاعلک مقدمه اجرائیه سی مستلزم جزا اولدیغی کوستریلور . حقیقت حالده بر فعلی استحضار ایتک بشقه ووافعلک مقدمه اجرائیه سی بشقه برشیدر . اشبو احوال ۶۶نجی ماده نک دائره شمولانه داخل اولماقدن ماعدا بونلرک اکثریسی حد ذاتنده اخلاقه مغایر اولیمان بر طاقم افعال وبعضیلری دخی هیچ بر نوع افعال جرمیه ایله ارتباطی اولیه رق باشلی باشنه مستلزم جزا اولان بر طاقم حرکاتدن عبارتدر . مثلاً سرقت نیتله نردبان واسقاریله وایب و پرووالی اناختار وسلاح صاتون المق اخلاقه افعال مذمومهن صایلیر ایسه ده قانوناً جرائمندن معدود اولدیغی کی بونلردن هیچ بری سرقت ویاخود قتله تشبث عد اولماز . فی الحقیقه اجرای سرقتدن بشقه بر مقصده مبنی اولمق اوزره بر کمسنه بر نردبان صاتون الیر و بر اناختاری تقلیداً اعمال وساخته بر رچته تحریر ایده بیلیر . احتمال که فاعلک مقصدی بر نبی وایکنجی صورتده بالرضا بر باکری قاجیروب تزوج ایتک و اوچنجی صورتده اتخار ایلکدر انک مقصدی هر نه اولور ایسه اولسون افعال مذکورده ایله سرقت و تسمیم فعللری بیننده بر کونه مناسبت وارتباط کوریه منر . اشبو مناسبت وارتباط اچیقندن اچیغه ظاهر ونمایان اولمش اولسه بیله فاعل حقنده مجازات قانونیه ترتیبی ایچون لازم کلان اوصاف معینه یی حائر دکلدر . بو حرکات استحضاریه صورت صحیحده ایقاع جرمه قرار ویرمش اولدیغی ارأه ایده منر چونکه فاعل اجراسنه موفق اوله جغنده متردد بولندیغی بر جنایتی ایقاع ایتک تصور مجرمانه سیله فعل مذکور کی اجرایه وسیله اوله جق وسائطی کلیشی



كوزل تدارك ايدى نورمش ايسه ده افعال اجرائيه ايله افعال استحضاريه اراسنده فرقك بيوكلكنى وهله اولاده اذعان ايدى من فقط صوكره جرمك فعليته انتقال ابتدئى كى دوچار اوله جنى تضديقات وجدانيه قارشوسنده قرارىنى موقع اجرايه وضعدن فراغت اتميه جكنى كيم تأمين ايدى بيلير .

اخلاق نقطه نظرندن افعال استحضاريه يى اجراى حقيقيدن تفريق ايدن حد فاصلك جسامتى وهر نوع افعال استحضاريه نك فاعل طرفندن ايضاح اوله جنى ظن اولنان بر فعل مجهوله ربطى و بر عمل استحضاريه يى مستلزم جزا عد اينديره جك اولان ايضاح جرم قرارى نك كشف و تحقيقى خصوصلر نك بادي اوله جنى مشكلاته بناء على العموم افعال استحضاريه ايچون جزا ترتيبى جائز اوله ماز . افعال استحضاريه ايچون صورت عموميه ده جزا ترتيبى جائز اوله ميه جنى سويلدم چونكه قانون جزا نك اللى سكزنجى ماده نك فقره اولاسنده ( بالاده مذكور اولان جنايتلردن والى بشنجى والى التنجى ماده لرده بيان اولنان فسادلردن برى اجرا قصديله ايكي وياخود ده زياته اشخاص بيننده بر اتفاق خفى تشكيل اولنوبده اول اتفاقده تصميم اولنان فسادك اجراى سويله شلوب قرار كير اولدقن بشقه اسباب اجرائيه سنى تهيه ضمننده بعض افعال وتدابيره دخى تشبث اولمش ايسه اول اتفاقده يولنان كمسه لر مؤبداً قلعه بند ازلنور) دنياليور . شوالده يوقا ريدى بيان ايتديكمز قاعده اكثر يه مخالف اوله رق بمضاً افعال استحضاريه نك ده مستلزم جزا اولدينى اكلا شيلور .

اولا بر جرمك ايضاحى تصور اولدقن صوكره ايكنجى درجه ده انك اجراسنه قرار ويريله جكنى و اوچنجى درجه ده انك ايضاحى تسميل ايدى جك اسباب وتدابيرك تهيه اوله جنى بيان ايتدك . شمدى ايضاح جرمك دردنجى مرتبه سنى تشكيل ايتكمده اولان تشبثدن بحث ايدى : معدل جزا قانونك قرق التنجى ماده نك فقره اولاسنده بر كمسه بر جنايت ايضاحى تصميم ايدوبده وسائط مخصوصه ايله اجراسنه بدا ايدرك يد اختيارنده اوليان اسباب مانعه حيلوليله اول جنايتك حصونه مقتضى افعالى اكمل ايدى مامش ايسه قانونك صراحتى اوليان يرلرده شو وجهله مجازات اولنور دنيلدك صوكره ماده مذكوره نك فقره ثالته سنده بر كمسه تصميم ايتديكى جنايتك كافه افعال اجرائيه سنى اكمل ايتمش و فقط يد اختيارنده اوليان اسباب مانعه حيلوليله اول جنايت ميدانه كلامش ايسه قانونك صراحتى اوليان يرلرده شو صورتلر ايله مجازات اولنور دنياليور . اشبو متن قانونده كى تصميم كله سى تصور و تصميم معناسنى افاده ايتيوب اندن اعم اولان قصد معناسنه كلديكى بيانه حاجت يوقدر .

ماده قانونيه نك فقره اولاسنده ميان اولان احوالى ايضاح ايچون بعض مثاللر ايراد ايتك كفايت ايدر : بر كمسه عطاردن بر مقدار اجزاي سميه آله رق ديكر بر كمسه نك مشروبانه قارشيديرمش اولسه فاعلك شو نقطه يه قدر وقوعبولان حركتى نتيجه سى غير متحقق بر حاضر لقن عبارت اولدينى حالده اشبو اجزاي سميه ايله مخلوط اولان شروبي حاوى باردانجى تسمينى قصد ايتديكى شخصه بالذات وياخود بالواسطه صونمش بولندينى وياخود بر كمسه نك نردبان ويا اسقاريله وياخود پرووالى اناختار صاتون آله رق ديكر

بر كمسه نك خانه سنه كيرمش و قاصه سنك كلدينى قيرمش وياخود قتل قصديه كيجه اين يولنى بكمكمده اولدينى خصمنى طومش و صول بوكرينه يجاغنى صابلامغه ابتدار ايتش اولدينى تقديرده دخى اكمل اولمش بر جرم يوقدر يعنى تسميم و سرقت و قتل جنايتلرى هنوز وجود بولماش ايسه ده فاعلك بو نقطه يه قدر غير متحقق كى كورينان جرم قرارى صورت قطعيه ده ظاهر اوليور . بو نقطه ده فاعلك تردد و قرارندن رجوع ايتشى امكانى زائل اولمش اولسنه نظراً حركتك اخلاقه مغاير اولدينى شويله طورسون اسايش هيئت اجتماعيه نك دوچار اولدينى تهلكه فوق العاده تزايد ايتمش وجنايتك ايضاحه رمق قلمش اولدينى جهته ترتيب جزا ايچون لازم كلان ايكي شرطك بونده موجود اولدينى جاى اشتباه دكلدر . شمدى مخفى عليه بر حركت كيفيه سى ويا استكراهى وياخود هر هانكى بر حادثه نك ظهورى سبيله انه صوندقلى زهرلى مشروبي ايتكمدن امتناع ايتمش وياخود هر هانكى بر حادثه ويا بر كورلتى ويا طردى سبيله سارق اولان شخص قاشمش و قتل تصدى ايدن كمسه دخى خصمى اوزرنده خفيف بر جريحه احداث ايتدك صوكره صاووشمش اولدينى فرض ايدكز . بو اوچ صورته منوى اولان جنايت هنوز اكمل ايدلمش ويا لكز وسائط مخصوصه ايله اجراسنه باشلامش و فقط فاعلك يد اختيارنده اوليان اسباب مانعه حيلولت ايدرك فعل جنائى ميدانه حيقما مشدر . ايشته قرق التنجى ماده نك فقره اولاسنده تعريف اولنان و درجات اوزره مستلزم جزا اولدينى بيان اولنان احوال بونلردن عبارتدر .

صور مذكوره نك قرق التنجى ماده نك فقره اولاسنه توافق ايتكمده اولدينى شبهه كوتور من ايسه ده بر خانه نك طيش قپوسنك قيرلسى وياخود نردبان ايله بر ديواردن آشلمسى وياخود ساخته اناختار ايله قپو ايلمسى ده بو قبيلد نميدر؛ مثلاً برادم نردبان قوره رق وياخود طيش قپونك كلدينى قيره رق بر خانه يه كيرمه چاليشير ايكن يقه لاندنى صورته نه مقصد تعقيب ايتكمده اولدينى وهله اولاده تعيين ايتك قابل اولماز . احتمالكه انك مقصدى خرسزلىق ايتك ويا ديكر بر آدمى قتل ايتك وياخود مذكور خانه ده ياتمده اولان بر قادينك جبراً عرضه كيمك فعللردن بريدر . شخص مرقومه نسبت اولنان افعالك معنای حقيقى ندن عبارت اولدينى بيلمك ايچون هر شيدن اول نبتى تحرى ايتك اقتضا ايدر فقط اولجه كشفى مشكل اولان احوال سائر نظر دقه النطق سرطيله افعال مذكوره نك منجر اولمش اوله جنى جرم سرقت وياخود بشقه بر جنايت اولديغه كوره مسئله يى تفريق ايتك لازم كلير زيرا نردبان ايله اشهرق وياخود قپوي قيره رق وياخود مقلد اناختار استعمال ايدرك بر خانه يه كيرمك فعل سرقتك معاملات اجرائيه سندن بولندينى و فاعلك حصول مقصدنى تأمين ايچون تصادف ايتديكى موانعه غلبه ايتك اوزره صرف مساعى ايتديكى آندن اعتباراً جرمك اجراسنه بدا ايدلمش ديمك اولدينى ادعا ايتك ممكن اوله بيلير بو معاملاتدن صوكره كلان اخذ فعلى سارق ايچون بر ملعه حكمنده در . لكن سرقتدن ماعدا جرايمده ايش بويله دكلدر مثلاً بر آدمى قتل ايتك نيتنده بولنان كمسه نك نردبان ايله اشهرق وياخود قپو كلدينى قيره رق بر خانه يه كيرمى فعل قتلك مقدمات



اجرائیه شدن عد اولماز چونکه افعال مذکورہ نك فعل قتلک مقدماتی عد اولنه بیلہ جك قدر فعله قریبی یوقدر لکن فاعلک النده قما اولدینی حالده قیوی جبراً اچہرق خصمنی یقہ لامق اوزره خانہ یه کیرمش اولدینی فرض ایتدی کمز تقدیرده حرکت مذکورہ قتلک باشلانغیجی اولدینی تصدیق ایتک خصوصده اصلا تردد ایتمز . تسمیم خصوصده دخی معاملہ استحضاریه دن مقدمہ اجرائیه انتقال کیفیتنی تمیز ایتک بر طاق مشکلاتی داعی اوله بیلیر مثلاً بر کسنه اقرباسدن برنی تسمیم ایتک نیتله اجزای سمیه اشترا ایدرک اجرت مقابلنده اجزای مذکورہ نی تعیین ایتدیکی ادمه یدیرمک اوزره اوشاغنه ویرر اوشاق بو بازارلقدن طولای طولای دوچار اولدینی تضییقات وجدانیه سابقه سیله هنوز بر کونه معاملہ یه مبادرت ایتکسزین کیفیتنی مدعی عمومیلکه اخبار ایدر شمدی بوفعلده مقدمہ اجرائیه موجود میدر دکلدر ؟ خیر بونک بر کونه مقدمہ اجرائیه موجود دکادر . چونکه مواد سمیه صاتون اوب تسمیمنی قصد ایتدیکی ادمه یدیرمک ایچون مواد مذکورہ نی بر شخص ثالثه اعطا ایتک معاملہ استحضاریه دن بشقه برنی دکادر . فقط اگر اوشاق اجزای سمیه نی تسمیمنی قصد اولنان شخصک مشروبانه قاریشدریرر ومشروبات مذکورہ نی ایچیرمک ایچون او شخصک سفرده سنه وضع ایدر ایسه جرمک اجراسنه باشلانمش دیمک اولور فی الحقیقه مواد سمیه نی مشروبانه قاریشدریمق ایله اکتفا ایتک اجرایه باشلامق دکادر بوجمله ایله برابر احضار اولنان شروب سفرده یه قونیلدینی زمان جرمک مقدمه سی وجود بولمش اولور .

مذکور قرق التنجی ماده نك اوچنجی فقره سنه کلنجه بونی ایضاح ایچون بالاده بیان ایتدی کم مثالی تذکار ایدرک دیرم که زهرلی شروب مجنی علیک الله ویریلرک انک طرفدن قبول ایدیلوب ایچلمش ایسه ده شخص مزبورک تشکلات بدنیه سی غایت قوی اولمسندن ویاخود و قتیله بر پادزهر استعمال ایتش بولمسندن طولای زهرک تأثیری اولمیه رق حیاتی قورتارلمش ویاخود سرعت قصیدله بر کسنه نك خانه سنه کیرن شخص اوراده بولنان قاصه نی کلیدنی قیرهرق آچمش و دروننده بولنان بانقوت پاکتولرندن برنی اخذ ایله طیشاری چیقارمش ایسه ده اوک قپوسندن زقاغه چیمقمسزین یقہ لنسوب پاکتک یدندن استرداد ایدلمش اولدینگک فرض اولمسی فقره مذکورده بیان اولنان تشبث جرمه تمامیله توافق ایدر . بوندن اقدم محکمه تمیز جزا دائره سنده تدقیق اولنان بر قتلہ تشبث جرمی دخی بو قیلدن اولدینی جهته بوراده ذکر ی بشقه مثال ایرادینه حاجت براقاز شویله که بر ولایت داخلنده تعقیب اشقیایه مأمور ژاندارمه لردن بری اشقیادن برنی تعقیب ایتدیکی صروده شقی مرقوم طرفندن ژاندارمه اوزرینه آتیلان مارتینی تفککندن خروج ایدن قورشون مرقومک پلاسقه سنک پرنجدن معمول طوقه سنه اصابت ایدرک مذکور قورشون طوقه نك اوزرنده یایلمش قالمش وشو صورته فاعلک یداختیارنده اولیان اسباب مانعه حیولت ایدرک فعل قتل میدانه کلامشدر . ایشته شوامتله اخیرده متشبث اولان شخص تصمیم ایتدیکی جنایتک کافه احوال اجرائیه سی اکیال ایتش فقط یداختیارنده اولیان اسباب مانعه حیولتیه جنایت مقصوده میدانه کلامشدر .

نظریات جزائیه اربابی شو ایکی قسم تشبثک برنجیسنه تشبث ناقص و ایکنجیسنه تشبث تام اطلاق ایدیورلر . معدل جزا قانونی تطبیق ایدہ جك اولان حاکمک بوا یکی قسمی یکدیگرندن تفریق خصوصه اعتنا ایتلری لازمدر . چونکه مذکور قرق التنجی ماده حکمنجه تشبث ناقصک مستلزم اولدینی جزالر تشبث تامک موجب اولدینی جزالرہ نسبتله اهنودر . تشبث ناقص ایله تشبث تام بیننده تعریف قانونی ایله ظاهر اولان شوفرک مادیدن ماعدا انلر بیننده عظیم برفرق معنوی ده واردر . زیرا برنجیسنده فاعل فعلنی ختامه ایصال واکمال ایدہ بیلہ جکی کی اتمام ایتیه رک تعطیل ایتک اختیاریه ده مالکدر . حالبوکه ایکنجیسنده فاعل جرمی اجرا ایتش فقط یداختیارنده اولیان اسباب مانعه حیولتیه اندن مقصود اولان نتیجه نی استحصال ایدہ مشدر . بناء علیه واضع قانون تشبث تام فاعلی حقنده اوجرمی ارتکاب وایقاع ایتش اولان فاعله ترتب ایدن جزایی تمامیله تطبیق ایدہ بیلیر ایدی لکن بوندن طولای بر کونه ضرر مادی حصوله کلممش اولمسی نظر دقتہ آله رق قانونک صراحتی اولیان یرلرده فعل اعدام ومؤبد کورک جزالرینی مستلزم ایسه متشبث حقنده اون سنه دن اشاغی اولمامق اوزره موقت کورک ومؤبد قلعہ بندک جزاسنی مستلزم ایسه کذا اون سنه مدتله قلعہ بندک ومؤبد نفی جزاسنی مستلزم ایسه اوچ سنه مدتله قلعہ بندک جزاسنی حکم اولمسی واحوال سائرده اوجنایت ایچون معین اولان یعنی محکمه جه جزانک حد اعظم واصغری بیننده تعیین اولنه جق جزانک ثلثندن نصفه قدر تنزیل اولمسی تنسیب ایتشدر . تشبث ناقصه کلنجه برفعلدن طولای درجات اوزره جزا ترتیب اولدینی وقت فاعلک دائماً ایقاع جرم قرارندن نکول ایتسی ایچون بفرصت ویا بر سبب ویا خود بر منفعت موجود اولمسی وسلسله جرمک کافه درجاتندن هنوز مرور ایتامش بر مجرم حقنده مجازات قانونیه نك نهایت درجه سی تطبیق ایدلماسنی تأمین ایتک اسایش عمومینک محافظه سی ایچون پک زیاده حائز اهمیت اولدینی وارسته تفصیلدر . ایشته شو اساسه بناء واضع قانون تشبث ناقص جنایتی ارتکاب ایدنلر حقنده دیگرلرندن خفیف اوله رق اصل فعل اعدام ویا مؤبد کورک جزالرینی مستلزم اولدینی حالده متشبث حقنده یدی سنه دن اکسیک اولمامق اوزره موقت کورک ومؤبد قلعہ بندک جزاسنی مستلزم ایسه کذا یدی سنه دن اکسیک اولمامق اوزره قلعہ بندک ومؤبد نفی جزاسنی مستلزم اولان احواله اوچ سنه مدتله قلعہ بندک جزاسنی حکم واحوال سائرده او جنایت ایچون قانوناً معین اولان بعض محکمه لک حد اعظم ایله حد اصغر بیننده دوران ایتک اوزره تعیین ایدہ جکلری جزانک نصفندن ایکی ثلثه قدر تنزیل اولمسی امر ایتشدر .

سالف الدکر قرق آلتنجی ماده نك فقره اولاسی حکمنجه بر کسنه بر جنایت ایقاعنی تصمیم ایدوبده وسائط مخصوصه ایله اجراسنه بدأ ایتدکجه تشبث تحقق ایتمز . بناء علیه اخیرنی تسمیم ایچون اجزای سمیه اشترا ایدن کسنه یه خطاء اجزای غیر سمیه اعطا اولنوب تسمیم قصیدله انی شخص اخره بلع ایتدیرمش اولسه مادام که تسمیمک وسائط مخصوصه سی استعمال ایتامشدر او کسنه یه متشبث قتل نظریله باقیله ماز .



بوندن ماعدا بعض افعال مذمومه وارد که انلری ارتکاب ایدنلرک مقصودی بر جرم ایقاع ایتمکدن عبارت ایسه ده نتیجه اعتباریه میدانده بر جرم قانونی یوقدر . نته کیم خلاف واقع اوله رق کنیدی حامل ظن ایدن بر قادینک اسقاط جنین ایچون علاج استعمال ایتسی و یا خود بریان کیسه جنک الی جنبه صوقدینی کسه نک جینده هیچ برشی بولمیدی جهته خاباً الی او کسه نک جیندن چیقارمسی کی افعال تشبه مائل ایسه ده قانوناً جرایمدن عد اولان تشبث انواعدن دکدر چونکه بر فعلک جرم عدم اولمسی ایچون یالکیز فاعله بر مقصد مجرمانه نک موجود اولمسی کفایت ایتوب او مقصدک قابل اجرا بولمسی دخی شرطدر و بو شرط بولمیدجه مشروط اولان جرم تحقق ایتز .

ماده مذکوره نک فقره ثانیه سنده متشبث جرمک افعال اجرائیه سندن بالاختیار فراغت ایتدیکی و فقط تمام اولان قسم فعل حد ذاتنده بر جرم تشکیل ایلدیکی حالد انحق او قسمه مخصوص جزا ایل مجازات اولنور دینلیور . اشبو فقره قانونیه موجود اولماش اولسه بیل جرمک افعال اجرائیه سندن بالاختیار فراغت ایدن متشبث حقنده ترتیب جزا اولمیه جنی دیگر ایکی فقره نک معنای مخالفندن استنباط اولنه بیلیر ایدی لکن بوبابده برکونه ترده محل قلامق اوزره واضع قانون متن قانونه اشبو فقره ثانیه ده علاوه ایتشدر . فی الحقیقه برکونه اخر بر شخصک خانه سی قیوسی قیردرق ایچریسه کیروب اوراده موجود اولان اشیادن برنی اخذ ایل جیقمق اوزره ایکن برکونه اسباب مانعه خارجیه اولمیدی حالد فاعل جرم صرف کنیدی شوق وجدانیسی ایل اخذ ایتدیکی اشیای داخل خانه ده بر اقوب صاوشمش اولمیدی تقدیرده بونک شو حرکتی ماده قانونیه نک فقره اولی و یا خود فقره ثالثه سنده تعریف اولان تشبث جرملرینک مغایری بولمیدندن کنیسه سرقة تشبث جزاسی ترتیب ایتز انحق حق دخولی اولیان محله کیرمش اولمندن طولای جزا کوریر و بو مثللو احوالک مستلزم جزا اولماسنک حکمتی ایقاع جرمه قرار ویرمش بولنان بو نوع اشخاصک اشبو قرارلرندن رجوع ایتلری ایچون بر فرجه براتق اساسنه مبتنیدر .

تشبث جرمه دائر قرق التنجی ماده ده توضیح اولنان قاعده کلیه انحق قانونک صراحت مخصوصه سی اولیان یرلرده مرعی اولدیغه نظراً مجرد قتل قصدیه سلاح چکوبده یداختیارنده اولیان اسباب مانعه حیلولیه ماده قتل فعله چیقارمه یانلر حقنده یوز سکسانجی ماده قائمه ذیلنه توفیقاً معامله اولنور فقط یوز سکسانجی ماده اصلیه منفسخ اولمیدندن قتل قصدیه جرح فعلی قانونک تاریخ مرعیتی اولان ۳۱ اغستوس سنه ۳۲۷ تاریخندن سوکره ایقاع ایدلمش اولدیغی حالد ذکر اولنان قاعده کلیه نک دائره شموله داخل اولور . جبراً فعل شنیع اجراسنه تشبث ایدنلرک صورت مجازانه دائر اولان یوز طقسان سکزنجی ماده ذیلی ورشوت تعاطیسه تشبث ایدنلر حقنده کی یتش التنجی ماده و احراقه تشبث ایدنلرک مجازانه دائر اولان یوز التمش دردنجی ماده نک فقره اخیره سی والی بشنجی ماده نک فقره ثانیه و رابعه سی والی التنجی والی یدنجی ماده لرک فقرات مخصوصه سی والی سکزنجی ماده ذیلنک فقره اخیره سی دخی احکام مخصوصه سی

احتوا ایتمکده اولدقلرندن قرق التنجی ماده ده مبین قاعده نک خارجنده قالیرلر . شو قدرکه اشبو ماده لرک بوراده تعدادی تقریبی اولوب کرک قانون جزاده و کرک قوانین مخصوصه ده تشبث حقنده کی قاعده کلیه دن مستثنی احکام صریحه سائر موجود بولمسی محتملدر . فقط مواد مذکوره ده مندرج تشبثلر تشبث ناقص درجه سنده بولندقلری صورته دخی عین جزایی مستلزم اولوب اولمیدقلری صور حادثاته کوره حکام طرقدن تقدیر اولنه جق مسائلندر . واضع قانون قرق التنجی ماده نک فقره اولی و ثالثه سنده افعال جنایه تشبثلرک ایکی قسمی تعریف و فاعلرینک دوچار اوله جقلری مجازاتی تعیین ایتدکن سوکره ماده مذکوره نک فقره رابعه سنده بر جنجه نک اجراسنه تشبث انحق قانونک صراحتی اولان یرلرده مستلزم جزا اولدیغی بیسان ایدیور . جنایت ایل جنجه پیننده کی شو فرقک سببی تحری ایتدی کمز تقدیرده کوریرزکه جنجه افعالنده تشبث تشکیل ایدن حالی صورت قطعیه ده تعیین ایتک ومثلاً بر منازعه اثناسنده بر ادم خصمنک اوزرینه طوغری الی قالدیردینی وقت انی ضرب ایتک قرار ویرمش اولدیغی و بو ادمک شو یولده کی معامله سی بر جرم ایقاعه تشبث قیلندن بولمیدی استدلال ایلک مشکل اولور . برده جنجه جرایمی ارتکاب ایدن اشخاصک جزاندیرلمسی خصوصنده جمعیتک منفعتی پک اوقدر مهم اولمیدی جهته بوبابده مسامحه کوسترلمسی جائزدر . لکن بو جواب علی اطلاق صحیح اوله ماز چونکه قانون جزاده بر چوق جنجه افعالی وارددرکه افعال جنایه ایل پینلرنده مماثلت تامه موجوددر . مثلاً بر دفتر خاقانی سندی اوزرنده ساخته لغه جرأت ایتک جنایت و دیگر طرفدن بر پساپورط اوزرنده ساخته کارلق ایقاعی جنجه افعالندن بولندقلری حالد هر ایکی جرمک صورت ایقاعنده بر فرق یوقدر . جنجه جرایمی میاننده تشبثی مستلزم جزا اولان یالکیز سرقت فعلی اولوب بوده قانون جزانک ایکوز اوتوزنجی ماده سی ذیل اولنان قانون موقتک برنجی ماده سنده تعیین اولمشدر شوبله که ماده مذکوره ده مجازات تأدیه سی مستلزم سرقت فعللرینک متشبثلری حقنده او فعل ایچون قانوناً معین اولان جزا نلندن ثلثانه قدر تنزیل اولنه رق حکم اولنور دینلیور . اشبو تشبثندن مقصد تشبث ناقص میدر یوقسه تشبث تام میدر بورالری تعیین اولنماشدر بناء علیه محکمه لر صور حادثاته نظراً تشبث ناقص ایچون تشبث تامدن طولای ترتیب اولنه جق جرادندها خفیف بر جزا تعیین ایدره رک نواقص قانونیه یی ممکن مرتبه تعمیر ایتلیرلر .

بوندن اقدم تشبث جرم حقنده دیگر بر مقاله تحریر ایدرک جریده عدلیه ایل نشر ایتش ایسه مده مقاله مذکوره ده بیان ایتش اولدیغ مطالعاتک عدم کفایته بناء بوکره انی اکال و تصحیح ضمننده اشبو مقاله یی تحریر و ارسال ایلدم .

محکمه تمیز جزا دائره سی رئیس

عنه



محاربات بحریه

## سنجاق تبدیلی مسئله سی

۱۶ نیسان ۱۸۵۶ پاریس بیاننامه سیله محاربات بحریه حقنده درت قاعده وضع ایدلمسنی متعاقب گذران اولان الی سنه لك دوره اناسنده اختلافات دولیه لك صورت مصلحانه ده حله، و محاربات بریه عائد مسائل متفرعه لك تنظیم و تسویه سنه دأر بین الدول برچوق ائتلاف، مقاوله نامه لر تنظیم ایدلمش و فقط محاربات بحریه عائد مواد و مسائل دائماً مسكوت عنه كچلمشدر. بوده امور بحریه ده، دول سائر جه مقبول و متخذ اصول و قواعد تمامیه مطابق و موافق اولیان عنعنات و عادات قدیمه سنه شدتله مربوط اولان و بونكله برابر مواد بحریه ده اك زیاده حائر صلاحیت بردولت موقعنده بولنان انكلتره حكومتك مسائل بحریه دأر بین الملل ائتلاف تشكیلنه، مقاوله نامه لر تنظیمه عدم تمایلندن ایلری كلیوردی، ایشه بو صورتله سن پترسبورغ، بروكسل بیاننامه لرنده، جنوره مقاوله نامه سننده محاربات بحریه موضوع بحث اولدینی کبی امور بحریه تعلق ایدن مسائل ۱۸۹۹ تاریخنده لاهی ده انعقاد ایدن برنجی صلح قونفرانسك پروغرامی میاننده ادخال ایدلمه مشدر. روسیه - ژاپونیا سفری مناسبتیه تحدث ایدن مسائل عدیده، مواد بحریه دن دولایه ده بین الملل ائتلاف تأسیسی لزوم و احتیاجی انكلتره افکار عمومیه سننده وقوعه كلان تبدل نتیجه سننده انكلتره حكومتنده حس ایتدیروب ۱۹۰۷ سنه سننده لاهی ده اجتماع ایدن ایکنجی صلح قونفرانسی روزنامه مذاکرانه برچوق مسائل بحریه ادخال ایدلمش و مؤتمر مذکورده تنظیم اولنان اون اوچ مقاوله نامه دن قسم اعظم و مهمی، سکنز عددی محاربات بحریه عائد و متعلق بولمشدر. بو مقاوله نامه لر دن بری ده بین الملل غنائم بحریه محكمه استینافیه سی Cour internationale des prises تأسیسنه متعلق بولنیوردی. ایکنجی لاهی صلح قونفرانسنده بین الملل غنائم بحریه محكمه استینافیه سی تشكیلی ایله اكثفا ایدلمش و فقط ینه محكمه جه مدارت تطبیق اوله حق قواعد حقوقیه حقنده ائتلافلر میداننه كتیرلماش ایدی. بو قواعدی تعیین و تقریر ایچون ۴ كانون اول ۱۹۰۸ - ۲۷ شباط ۱۹۰۹ لوندرد بحری قونفرانسی Conférence navale de Londres اجتماع ایتدی. ایشه بو صورتله مواد بحریه ده منازع فیها برچوق مسائل حقنده بین الملل ائتلافلر وجوده كتیرلماش اولیوردی. شوراسنی ده نظردقت و اعتباره آلق ایجاب ایدرکه بین الملل غنائم بحریه محكمه استینافیه سی تأسیسنه دأر ۱۸ تشرین اول ۱۹۰۷ تاریخلی لاهی مقاوله نامه سنك (۷) نجی ماده سننده اول امرده علاقه دار دولتلر بیننده موجود و مرعی معاهدات احكام صریحه سنه و بومثللو معاهداتك فقدانی ورتنده حقوق دول قواعدینه و صورت عمومیه ده قبول و تصدیق ایدلمش حقوق دول قواعدی موجود اولدینی تقدیرده عدالت و نصفیت قواعد و اساسات عمومیه سنه توفیقاً حل مسئله اوله جغنی تصریح ایدلمشدر.

لاهی صلح قونفرانسنده تقرر ایدن شواساسه نظراً بین الملل غنائم بحریه محكمه استینافیه سننده مدار

تطبیق اولان قواعدك غنائم بحریه محاكم ملیه سننده تطبیقنه هیچ برمانع بولندینی کبی علاقه دار دولتلر مواد بحریه عائد مقاوله نامه لك برقسمنی امضا ایدوبده دیگر برقسمنك اثنای تنظیمنده حاضر بولنماق و یا بالاخره اووثاقه التحاق ایتماك صورتیه مذکور مقاوله نامه لر امضا ایدمه ماش بولنورلر سه علاقه دار دولتلر بیننده احكام صریحه عهدیه لك عدم وجودی و صورت عمومیه ده قبول ایدلمش حقوق دول قواعدینك فقدانی وسیله سیله لازمه عدالت و نصفیت ده نظر اعتباره آله دن اول علاقه دار دولتلر طرفندن امضا ایدلمه كك برابر دول سائر جانبدن امضا ایدلمش و برتعامل دولی تشكله بردرجه یه قدر اساس اولش معاهداتی غنائم بحریه محاكمك نظر اعتباره آلق مجبوریتده بولندقلری بدیهی در بو صورتله ۱۶ نیسان ۱۸۵۶ بیاننامه سی احكامنی قبول ایتمش و ۱۹۰۷ صلح قونفرانسنه اشتراك ایلش و فقط لوندرد بحری قونفرانسی اجتماعاتنده حاضر بولنماش دولتلر مناسباتنده، مسائل منازع فیها لك ملی ایچون ۱۸۵۶ و ۱۹۰۷ وناقنده صراحت کافییه تصادف ایدیه مدیكی صورتده ۱۹۰۹ لوندرد قونفرانسنده تقرر ایدن احكامك، دول سائریه نظراً حقوق دول موضوعه قوتی حائر اساساتك قواعد حقانیت و نصفیت، قواعد نظریه و طبیعیه دن دها اول غنائم بحریه محاكمجه نظر دقه آلمدی لازم كلور.

شو مختصر مقدمه دن صکره اصل موضوع بحثی تدقیق ایدلم؛

برسفینه لك دشمن و یا بی طرف اولوب اولدینی صفت تابعیتی، او صفتده اوسفینه لك حامل اولدینی سنجاق ایله تعیین ایدر. تابعیت، اشخاصی معین بردولته برلشدیرن رابطه سیاسی و حقوقیه دن عبارت اولسنه و بوراده کی اشخاص تعیری علی العاده افراد ایله اشخاص مغنویه و سفائنه شامل و مصروف بولمنسه نظراً افراد و شرکت کبی سفائنه ده برتابعیتی اولق اقتضا ایدر. سفائنه بردولت تابعیتی نه صورتله ونه کبی شرائطه حائر اوله جغنی حقنده دول مختلفه قوانینده اطراد یوقدر. هر دول برسفینه لك نه صورتله کندی تابعیتی حائر اوله جغنی آرزو ایلدیکی طرزده تعیین ایده بیلور. فقط تابعیتك علائم ظاهریه سی تعیین باینده دول مختلفه قوانینده اشتراك احكامه تصادف ایدیلور. اوعلامت ظاهریه ده سنجاق در. بناء علیه هر سفینه صورت محقه ده سنجاغنی حامل اولدینی دولتك تابعیتی حائر در. برسفینه لك دشمن سفینه سی و یا بی طرف سفینه اولدینی حامل بولندینی سنجاغنه نظراً تعیین اولنور.

برسفینه لك تابعیتی، محاربات بحریه ده اهمیت مخصوصه یی حائر مسائلدندر. محاربات دولتلر سنجاغنی حامل سفائن تجاریه قابل مصادره اولدینی حالده بی طرف دولتلر سنجاغنی حامل سفائن قابل مصادره دكلدر. بناء علیه برسفینه لك محاربات بحریه اناسنده و یا محاربات مذکوریه پك یقین زمانلرده هانکی تابعیتی حائر اولدینی و تابعیت مذکوریه تبدیل ایدوب ایده میه جگنی تعیین مسئله سی جلب نظردقت ایلکه شایان در.

محاربات بحریه ده دول محاربه سنجاغنی حامل سفائنك قابل ضبط و مصادره اولسی اساسك بین الملل قبول ایدلمسنه نظراً محاربه اعلان اولدینی زمان و یا برمحاربه تحدی ملحوظ بولندینی ائنده، سفینه لرینك بر



دشمن قرووازوری طرفندن ضبط و مصادره اولمسه مانع تدابيرك اتخاذينه سفائن مجهز لرندن برچوخی جانبدن تشبث ایدیه جکی وارد خاطر اوله بیلور. بو باده اك امین واسطه ده سفائن مذکوره یه بی طرف صفتك بخش واعطاسی در. بوسبيله سفائن صاحب لری سفینه لری سنجاغك بی طرف بر سنجاغه تبدیلی وساطتی تحری ایه اشتغال ایدر لر. فقط تجار سفینه لری؛ سنجاغی بی طرف بر دولت سنجاغه تبدیل چاره لری تحری ایدر لك سفینه لری ضبط و مصادره تهلکسندن وقایه ایه اشتغال ایلدک لری کبی دول محاربه ده تجارك سفینه لری سنجاغی سهولته بر بی طرف سنجاغه تبدیل ایده بیلمسندن متضرر اولدقلرندن بومسئله یه اهمیت مخصوصه عطف ایتکده در لر. مثلاً محاربه لرندن بری بی طرف دولت سنجاغی حامل بر سفینه یه تصادف ایدیور، سفینه اوراقی طلب ایل یور، بو سفینه نك پک یقین بر تاریخده بی طرف بر دولت تابعیتی اکتساب ایلدیکنی آکلایور. شمدی بوراده اشبو تابعیت جدید نك سفینه خریه طرفندن علی العمیا قبول ایدیلوب ایدیه جکی، یوقسه اشبو سنجاق تبدیلی قضیه نك بر حلیه مستند اولوب اولدیغنی تحری اقتضا ایل یوب ایلیه جکی مسئله سی موضوع بحث اولور. ۲۷ شباط ۱۹۰۹ تاریخی لوندرد بیان نامه سی تنظیم اولنجه یه قدر دولترك فعلیاتی بوباده مختلف و غیر مطرد ایدی.

پارس علوم سیاسیة مکتبی مأذون لرندن

معیر مکتب

## اعلان

ازکوب قصبه سندن ایتجه اوغلی یوانا کینک قضاء مذکوره تابع سنده صون قریه سندن آیورکی قزی دسبنا ایه مزبور نك زوجی یوانا کی ذمتر نده کفیل بالمال اوله رق سنده صون قریه سندر لوله محله سنده بر باب معلوم الحدود خانه لری مرهوناً با سندن الهجی اولان اون یدی عثمانلی لیراسنك مع فائض و مصارف محاکمه مزبورده دسبندن تحصیلنه دائر غیاباً صادر اولان ۶ ایلول سنه ۳۲۸ تاریخ و ۴۹ نومرولی بر قطعه اعلام مدعی علیها مزبور نك اقامتکاهنده بولنه مدیغنه دائر مباشر طرفندن مشروحات و برلش اولمسنندن اجرای تبلیغ قابل اوله مامسنه مبنی مدعینک طلبیه اصول محاکات حقوقیه قانوننک بوز قرق طقوزنجی ماده سی موجبجه مذکور اعلامک بر صورتی محکمه دیوانخانه سنده تعلیق ایدلش اولمغله تبلیغ مقسامنه قائم اولمق اوزره اعلان کیفیت اولنور.

\*

\*

فارده تحته منارده آره لق سواقنده ۹۹ نومرولی خانه ده ساکنه ایزماراغده بنت یانینک فنارده جفور چشمه ده مقیمه ایکن چیقوب نزهیه کیتدیکی و بناء علیه اقامتکاهی مجهول بولسان قابله لوکیا بنت اناسطاس سونیقو عاینه در سعادت بدایت محکمه سی ایکنجی حقوق دائره سنده اقامه ایلدیکی دعوا دن طولانی تنظیم قلنان ورقه دعوتیه ایه عرضحال صورتی محکمه دیوانخانه سنده تعلیق قلنه رق امر محاکمه نك ۳۲۹ سنه سی نیساننک اون بشنجی کونی زوالی ساعت برده اجراسی مقرر اولدیغندن مدعی علیهای مزبور نك یوم و وقت مزبورده بذاتها محکمه یه کلمی ویا طرفندن بروکیل کوندرمی و عکس تقدیرده حقنده معامله غیایه اجرا قلنه جغنک معلوم اولمق اوزره اصول محاکمه حقوقیه قانوننک یکر می التنجی ماده سی موجبجه کیفیتک اعلانه ابتدار قلندی.

\*

\*

ایواجق قضا سنک نارلی قریه سندن خانجی یناقو استیلیانویه مدیون بولان ایواجق قصبه سی ساکنه لرندن جولاق محمد افا کریمه سی متوفیه صبریه خانمک ایتامی و صیسی زوجی محی الدین افندینک دائره اجرا معرفتیه تحت حجزه آدیر یلان اموال غیر منقوله سندن اولوب قضاء مذکورک نصرتی قریه سی حدودی داخلنده ایکده برون نام موقعه کائن طرفلری محمد و دریا حاجی ابراهیم ایه محدود یکر می دونم بر قطعه زیتونلک بری مع اشجاری تاریخ اعلاندن اعتباراً اون بش کون صکره بالمزایده فروخت اولنه جغندن طالب اولانلرک ایواجق قضاسی اجرا دائره سنده مراجعت ایللری اعلان اولنور.



| اولک دوئم زراع | موقی ایله جنس و مشتملاتی                         | منصرفی                                             | سهی              |
|----------------|--------------------------------------------------|----------------------------------------------------|------------------|
| ۱              | خطیب بغچه سنده طوت بغچه سی                       | ماترم مومی الیهما نوری و محمد اغا نصیف اوزره مستقل |                  |
| ۷۰۰            | برباب خان و قهوه خانه اتصالنده بغچه              | مومی الیه محمد اغا به عائد                         | سکزده بر حصه سی  |
| ۹              | منزل الا کنده ارض میری ترلا                      | » » » »                                            | نصف حصه سی       |
| ۲              | » » » »                                          | » » » »                                            | نصف حصه سی       |
| ۱۲۰            | حاجی یوسف زقاغنده خانه عرصه سی                   | » » » »                                            | مستقلاً          |
| ۲۲             | الاجق قریه سنده زقاق پیکارنده ترلا               | » » » »                                            | » » » »          |
| ۲              | » » » »                                          | » » » »                                            | » » » »          |
| ۱۳             | » » » »                                          | » » » »                                            | » » » »          |
| ۱              | » » » »                                          | » » » »                                            | » » » »          |
| ۳۲             | » » » »                                          | » » » »                                            | » » » »          |
| ۲۲             | » » » »                                          | » » » »                                            | » » » »          |
| ۲              | » » » »                                          | » » » »                                            | » » » »          |
| ۱۲             | » » » »                                          | » » » »                                            | » » » »          |
| ۱۲             | » » » »                                          | » » » »                                            | » » » »          |
| ۲              | » » » »                                          | » » » »                                            | » » » »          |
| ۱              | » » » »                                          | » » » »                                            | » » » »          |
| ۲              | » » » »                                          | » » » »                                            | » » » »          |
| ۷۰۰            | حکومت قوناغی قارشو سنده بر باب خان و قهوه خانه   | مومی الیهما نوری و محمد اغا                        | سکزده الی حصه سی |
| ۲۶۰            | خان ارقه سنده مع قهوه خانه اتصالنده بغچه نصف حصه | » » » »                                            | » » » »          |
| ۶              | دکرم اوزی کوپرسنده ترلا                          | » » » »                                            | » » » »          |
| ۴۰             | یاغباشلر اوه سنده                                | » » » »                                            | » » » »          |
| ۸              | تورکان چایرده                                    | » » » »                                            | » » » »          |
| ۳              | بک باغچه سنده قزل                                | » » » »                                            | » » » »          |
| ۹۱۲ ۱۸۸۰       | یکون                                             | » » » »                                            | » » » »          |

اوچوز یکر می سکز سنه سی اعشار ماترملرندن پوسته جی زاده محمد فخری افندی و برادری بکک اعشار تقسیطنه اولان معلوم المقدار دینلر بکک تأمین استیفاسی چون بالاده حدود و مقداری محرر املاک و اراضیلری تحت حجزه آلمش اولدیغندن و اموال مذکوره تاریخ اعلاندن اون بش کون صکره بالزاید فروخت ایدیه جکندن طالب اولانلرک کونیک اجرا دائره سنه مراجعت ایللری اعلان اولنور .

| اولک دوئم زراع | موقی                         | منصرفی  | سهی     |
|----------------|------------------------------|---------|---------|
| ۵۰             | هلالار قریه سنده بر باب خانه | » » » » | » » » » |
| ۵۰             | » » » »                      | » » » » | » » » » |
| ۵۰             | » » » »                      | » » » » | » » » » |
| ۱۰             | » » » »                      | » » » » | » » » » |
| ۱۰             | » » » »                      | » » » » | » » » » |
| ۳              | » » » »                      | » » » » | » » » » |
| ۱              | » » » »                      | » » » » | » » » » |
| ۲۱             | یکون                         | » » » » | » » » » |

|    |                        |         |         |
|----|------------------------|---------|---------|
| ۲  | خطیب یغچه سنده وقف باغ | » » » » | » » » » |
| ۲  | الاحصارده باغ وقف      | » » » » | » » » » |
| ۵  | دکرم اوزرنده ترلا      | » » » » | » » » » |
| ۸  | جالی کوبد              | » » » » | » » » » |
| ۴  | چال درده               | » » » » | » » » » |
| ۱۰ | کوچک اربعلق            | » » » » | » » » » |
| ۵  | اق اربک                | » » » » | » » » » |
| ۵  | بک بغچه سی             | » » » » | » » » » |
| ۴۶ | یکون                   | » » » » | » » » » |

اوچوز یکر می سکز سنه سی اعشار ماترملرندن پوسته جی زاده حافظ احمد افندیله کفیلی قره امام زاده عثمان افندی بکک ماترم مومی الیهک اعشار تقاسیطنه اولان بورج بکک تأمین استیفاسی چون بالاده حدود و مقداری محرر املاک و اراضیلری تحت حجزه آلمش اولدیغندن و اموال مذکوره تاریخ اعلاندن اون بش کون صکره بالزاید فروخت ایدیه جکندن طالب اولانلرک کونیک اجرا دائره سنه مراجعت ایللری اعلان اولنور .

حلبلی جکر جیان تجار قره کین افندی و برادرلر وکیل ملاطیه دعوی وکیللر بکک باروتجی زاده محمد نوری افندی بکک ملاطیه بکک چتال بند محله سندن و تجاردن یازمه جیان سرکیس و مخدومی حاجی آرتین افندیلر علینه اقامه ایدیلکی آلا جق دعواسی حقه مباحث طرفندن و بریلان تقرر و محکمه جیه اجرا قلان تحقیقات اوزرینه مدعی علیهمانک محل اقامتی مجهول اولدیغنی تبیین ایلش و محکمه جیه اشبو اعلاننامه بکک تاریخ اعلانندن اعتباراً ایکی ماه صکره محاکمه اجرایی تقرر ایتش و اولوجهله تنظیم اولنان دعوتیه ورقلری محکمه دیوانخانه نه تعلیق ایدیش اولغله مدت مذکوره بکک ختامه مصادق کوننده مدعی علیهمانک محکمه ده حاضر بولملری و یابروکیل مصادق کوندرملری و عکسکی تقدیرده غیاباً محاکمه اجرا ایدیه جکی معلوم اولق اوزره اصول



محاكمة حقوقه قانونك يكرمي التبعي ماده سنك فقره اخيره سي موجبنه غزله دخی اعلان كیفینه  
ابتدار اولندی .

ایواجق قضا سنك اطه تپه قریه سنك حسین بك كریه سی فاطمه یه مدیون بولان قریه مرقومه دن حسین  
بك اوغلی شریفه علینك اجرا معرفتیه تحت حجزه آلدیر بلان اموال غیر منقوله سنك مذکور اطه تپه  
قریه سی حدودی داخلنده میخی نام دیگر یالی ییكاری موقعه دن كائن طرفلری شرقاً اطه لی حاجی مصطفی  
وغرباً شاكر اوغلی مصطفی زوجیه سی و شمالاً و جنوباً بول ایله محدود ایکی دونم برقطه زیتونك یری  
مع اشجاری ایکی ییك غرو شده مذکور اطه تپه قریه سنك عثمان اغا مخدومی لطفی اغا عهده سنك تقرر  
ایتمش اولدیغندن یوزده بش ضمله طالب اولنرك تاریخ اعلاندن اعتباراً اوتوز برکون طرفنده ایواجق اجرا  
دائرة سنه مراجعت ایملری اعلان اولنور .

قره دكز ارکلی سنك کیاز قریه سنك حجاز اوغلاری علی و ابراهیم زوجیه سی خدیجه و کریه سی امینه  
طوپینك قصبه مزبورده حاجی حق بكك اولنده اقامت ایتمکده ایکن ایوم نره کتدیکی واقعاتکاهی  
مجهول بولان ارکلی دورك بول متعهدی حافظ محمد افندی ذمتنده اجرت یومیه دن اله جققری اولان ایکی یوز  
طقسان بش والتمش بش و قرق بش غرو شه که جمماً درتیوز بش غرو شهك تحصیللرینه دائر قضاء مزبور  
بدایت محکمه سنك استحصال ایلدکلی ۲۸ کانون ثانی سنه ۳۲۸ تاریخ و ۲۴۷ و ۲۴۸ و ۲۴۹ عددلی اعلام  
غیابی صورتلری محکوم علیه حافظ محمد افندی سنك اقامتکاهی مجهول بولندیغندن اجرای تبلیغی قابل اوله مامسنه  
ومدعیلرک طلبنه مبنی اصول محاکمه حقوقه قانونك یوز اوتوز التبعی و یوز قرق طقوزنجی ماده لرینك  
معطوف علیهی اولان یکرمی التبعی ماده سنك فقره اخیره سی موجبنه اعلام مذکورلرک برر قطعه صورت  
مصدقهلری محکمه دیوانخانه سنه تعلیق ایدلمش اولغله تبلیغ مقامنه قائم اولق اوزره اعلان اولنور .

باندومه قضا سنه تابع مانیاس ناحیه سنك حاجی باغون قریه سنك مقیم بقال طومه اوغلی دیمتروك اردك  
قصبه سنك مقیم قایمق نیقولیه با اعلام محکوم اولدینی الی عدد لیرای عثمانینك تأمین استیفاسی ضمننده تحت  
حجزه آلان مدیون مرقومك حاجی باغون قریه سنك كائن بر باب قبریقه ابنیه سیله زمینی بالمزایده درت ییك  
یوز غرو شده طالبی عهده سنك تقرر ایدرك موقت قرار داده سی کشیده اولنورق تاریخ اعلاندن اوتوز کون  
صکره احاله قطعیه سی اجرا قلنه جفندن طالب اولنرك یوزده بش ضمله پی سورمه لری ایچون باندومه اجرا  
دائرة سنه مراجعت ایملری ایکنجی دفعه اوله رق اعلان اولنور .

معارف نظارتی دعوی وکیلی بهرام افندی سنك شهراماتی دائرة سی قارشوسنده ۱۷ نومرولی یازینخانه ده

ساکن چریانی جعفر افندی کفالتیه طوپخانه ده الیاس چابی محله سنك حبیبه خانم زقاغنده ۷ نومرولی  
خانه ده مقیم خواجه زاده محمدنوراه افندی ذمتنده موکلی نظارت مشارا الیهانك مجیدی اون طقوز غروش  
حسابیه اخذ اولان خراج احدثن الاجنی اولان ایکی ییك بش یوزیتش غرو شهك مع فائض تحصیلی حقنده اقامه  
ایلدیکی دعوا سنك سبق ایدن محاکمه غیابیه سی نتیجه سنك جعفر افندی حقنده مدعینك ادعاسی رسم عاده موافق  
واقرار بالکنایه پی ناطق مبرز سنك مستند اولدیغندن عندالاعتراض انکار وقوعنده استکتاب و تطبیقات  
اجرا سنه و مدیون اصیل محمدنوراه افندی سنك یمنیدن نکولنه تعلیقاً مدعابه ایکی ییك بش یوزیتش غرو شهك  
مع فائض و مصارف محاکمه مدعی علم ایدن تحصیل حکمی حاوی بك اوغلی بدایت محکمه سی برنجی حقوق  
دائرة سنك ۲۹ تموز سنه ۱۳۲۸ و ۶۴۶ عددیه استحصال ایلدیکی اعلام غیابینك صورت مصدقه سی مدعی  
علم ایدن جعفر افندی یه لاجل التبلیغ کوندلشده مومی الیه جعفر افندی اقامت ایلدیکی محلدن چیقوب  
بروسیه عزیمت ایلدیکی والیوم ورود ایتدیکی و بروسه نك فنی محلدنه اولدینی بیلنه مدیکی تبلیغ مأمور خالد  
افندی امضاسیله وریلان شرحدن آکلاشله سنه نظراً اصول محاکمه حقوقه قانونك یوز قرق طقوزنجی  
ماده سنك فقره اخیره سی حکمنه توفیقاً تبلیغ عد اولنق اوزره اعلام مذکور صورت مصدقه سی محکمه  
دیوانخانه سنه تعلیق اولدینی کبی اوراق حوادله دخی اعلان کیفینه ابتدار قلندی .







- (۵) در سعادت جنایت محکمه سی، استیناف جنحه ۳۸۵۵  
(۶) در سعادت استیناف حقوق؛ ۳۸۵۶  
(۷) هیئت اتهامیه، استیناف مدعی عمومیلکی ۳۸۵۷  
(۸) بدایت محکمه سی برنجی حقوق ۳۸۵۸  
(۹) ایکنجی حقوق، برنجی جزا ۳۸۵۹  
(۱۰) ایکنجی جزا ۳۸۶۰  
(۱) بدایت مدعی عمومیلکی ۳۸۶۱  
(۱۲) برنجی محکمه تجارت، ایکنجی محکمه تجارت ۳۸۶۲  
(۱۳) تجارت بحریه ۳۸۶۳  
(۱۴) اعلامات شرعی و نظامیه ۳۸۶۴  
(۱۵) بک اوغلی بدایت محکمه سی برنجی حقوق ۳۸۶۵  
(۱۶) بک اوغلی برنجی جزاء اسکدار بدایت محکمه سی حقوق دائره سی ۳۸۶۶  
(۱۷) اسکدار بدایت محکمه سی جزا، استنطاق دائره لری ۳۸۶۷  
(۱۸) اسکدار بدایت مستنطقلکی، اسکدار بدایت مدعی عمومیلکی ۳۸۶۸  
(۱۹) اسکدار بدایت اجرا دائره سی ۳۸۶۹

محکمه تمیز حقوق دائره سی مقرانی — (۱) مدعی علیه ادعاسی بینه تحریریه ایله اثباتدن عاجز قالدینی صورتده مدعی فی تحلیفه حق واردر ۳۸۶۹ ۲۸ شباط ۳۲۸

— (۲) دعوانک قابلیت استینافیه سی مقدار مدعا به نظر تعین ایدر ۳۸۷۰ ۵ مارت ۳۲۹

محکمه تمیز جزا دائره سی مقرانی — (۱) مخفف جزا ۳۸۷۳ ۱۲ مارت ۳۲۸

— (۲) عفو قانونی ۳۸۷۴ ۱۲ مارت ۳۲۸

— (۳) طیب جلیله سبب وفات حقه تحقیقات اجراسی ۳۸۷۵ ۱۰ مایس ۳۲۸

محکمه تمیز استدعای دائره سی مقرانی — (۱) انشای محاکمه ده اسباب مخففه دن اولان افادانک نظر دفته التماسی موجب نقضدر ۳۸۷۶ ۳۰ ایلول ۳۲۸

— (۲) هیئت حاکمه نك حق تقدیرینه دائر ۳۸۷۸ ۱ تشرین اول ۳۲۸

## قسم غیر رسمی

## مقالات

ملاحظات جزائی { عدلیه ناظر اسبقی ممدوح بک افندی نك ۳۸۷۹  
من توفیق و موقوفیت غیر مشروع

مخابرات مجریه ده سبب تبیلی { پارس علوم سیاسی مکتبندن مأذون سعید حکمت بک ۳۸۸۶